

全上古三代秦漢三國六朝文

全晉文卷一百五十一

烏程嚴可均校輯

前秦

苻洪

洪字廣世，略陽臨渭氏人。劉曜僭號，封率義侯。後降石虎，拜冠軍將軍，遷龍驤將軍，封西平郡公。虎死，遣使于晉來降。永和六年，拜征北大將軍、都督河北諸軍事、冀州刺史，封廣川郡公。尋自稱大將軍，大單于。三秦王爲麻秋所鴆死，苻健僭號，追諡曰惠武帝。

諫殺朱軌

臣聞聖王之御天下也，土階三尺，茅茨不剪，食不累味，刑措而不用，亡君之馭海內也。傾宮瓊榭，象箸玉杯，截脰剖心，脯賢刳孕，故其亡也忽焉。今襄國鄴宮，足康帝宇，長安洛陽，何爲者哉！盤于游

田耽于女德三代之亡恆必由此而忽爲獵車千乘養獸萬里奪人妻女十萬盈宮尚書朱軌納言大臣曰道路不修將加酷法此自陛下政之失和陰陽災沴暴降霖雨七旬霽方二日雖有鬼兵百萬尚未及修之而況人乎刑政如此其如史筆何其如四海何特願止作徒休宮女赦朱軌允眾望

晉書載紀后虎傳上尚書朱軌與中黃門嚴生不協會大

雨霖道路陷滯因請軌不修道虎殺之軌之因也冠軍符洪諫云云又見十六國春秋十七

符健

健字建業洪第三子嗣位去秦王之號稱晉僉尋自稱晉征西大將軍都督關中諸軍事雍州刺史略定三輔自晉永和七年自稱天王大單于建元皇始其明年僭卽皇帝位在位四年死諡曰明皇帝廟號世宗後改曰高祖

下書求賢

其自公卿已下歲舉賢良方正孝廉清才多略博學秀才異行各

一人或獻書規諫或面陳朕過其悉曰聞勿拘貴賤十六國春秋三十四

指河誓弟雄及兄子菁

若事不捷汝死有如河無相見也御覽四百八十引晉中興書

苻生

生字長生健第三子呂晉永和十一年僭卽皇帝位改元壽光在位三年爲苻堅等所殺諡曰厲王

下書用峻刑極罰

朕受皇天之命承祖考之業君臨萬邦子育百姓嗣統曰來有何不善而謗譴之音扇滿天下殺不過千而謂刑虐行者比肩未足爲稀方當峻刑極罰復如朕何晉書載苻生傳又十六國春秋三十五

苻堅

堅一名文王字永固健弟雄之第二子健入關拜龍驤將軍曰晉升平元年殺苻生僭稱大秦天王在位二十九年改元三永

興甘露建元。晉太元十年，爲姚萇所執，縊之。新平佛寺，諡曰莊烈天王。苻丕僭號，改諡曰世祖宣昭皇帝。

燕平下詔大赦

朕曰寡德，猥承休命，不能懷遠。曰德柔服四維，至使戎軍屢駕，有害斯民，雖百姓之過，然亦朕之罪也。其大赦天下，與之更始。

秋三
十六

曰鄧光爲鎮軍將軍詔

司隸校尉董牧王畿，更責甚重，非所曰優禮名將。光武不曰吏事，處功臣，實貴之也。光有廉李之才，朕方委曰征伐之事。北平匈奴，南盪揚越，光之任也。司隸何足曰嬰之，其進號鎮軍將軍，位特進。

十六國春
秋四十二

沙汰眾僧別詔

朗法師戒德冰霜，學徒清秀，崑崙一山，不在搜例。

高僧傳五又十六國春秋四十

二
下詔簡學生受經

新喪賢輔百司或未稱朕心可置聽訟觀于未央南朕五日一臨
日求民隱今天下雖未大定權可偃武修文已稱武侯雅旨其尊
崇儒教禁老莊圖讖之學犯者棄市妙簡學生太子及公侯百僚
之子皆就學受業中外四禁二衛四軍長上將士皆令受學二十
人給一經生教讀音句後官置典學立內司已教掖庭選閭人及
女隸敏慧者詣博士授經十六國春秋三十七

下詔分遣侍臣問民疾苦

朕聞王者勞于求賢逸于得士斯言何其驗也往得丞相嘗謂帝
王易爲自丞相違世鬢髮中白每一念之不覺酸動今天下旣無
丞相或政教淪替可分遣侍臣周巡郡縣問民疾苦十六國春秋三十七

下詔徵張天錫入朝

涼州刺史張天錫雖稱藩受位然臣道未純可遣使持節武衛將軍荀萇左將軍毛咸中書令梁熙步兵校尉姚萇等將兵臨河西遣尚書郎閭負梁殊銜命軍前下書徵天錫入朝若有違王命卽進師撲討

十六國春秋三十七又七十四

下詔論平涼州及索頭功

張天錫藉祖父之資承百年之業擅命河右叛據偏隅索頭世跨朔北中分區域東賓穢貊西引烏孫控弦百萬虎視雲中爰命兩師分討黠虜役不淹歲窮殄二兇俘降百萬闢土九千五帝之所未賓周漢之所未至莫不重譯來王懷風率職有司可速班功受爵戎士悉復之五歲賜爵三級

十六國春秋三十七

詔慕容冲

古人兵交使在其間卿遠來草創得無勞乎今送一袍目明本懷朕于卿恩分如何而于一朝忽爲此變

晉書載紀苻堅傳下堅遣使送錦袍一領遺冲稱詔

元又十六
春秋三十八

下書徵王猛輔政

咸陽內史王猛言彰出納所在著績有臥龍之才宜入贊白揆絲

綸王言可徵拜侍中中書令領京兆尹時進光祿大夫十六國春秋三十八

下書召徐統子孫

士死知己由來格謨故喬公一言魏祖追慟趙司隸高平徐統往

在鄴都識朕于童稚每思其慇懃之言弗敢忘也可召其子孫詣

行在所十六國春秋三十八

下書遣鄧羌討蜀

巴夷險逆寇亂益州招引吳軍爲唇齒之勢特進鎮軍將軍護羌

校尉鄧羌可帥甲士五萬星夜赴討十六國春秋三十八

下書伐晉

吳人敢恃江山僭稱大號輕率犬羊屢窺王境朕將巡狩省方登

會稽而朝諸侯復禹績而定九州今王師所擬必有征無戰伐國
存君義同一體宜時進討已清宇內便可戒嚴速修戎備悉發諸
州公私馬人十丁遣一丁門在灼然者為崇文義從其良家子年
二十已下武藝驍勇富室材雄者皆拜羽林郎御覽三百二十三
引蕭方等三十國
春秋又見十六
國春秋三十八

下令國中

東南平定指日當曰司馬昌明為尚書僕射可速為起第魏書九
十六晉
司馬昌
明傳

期克捷之日其曰司馬昌明為尚書左僕射謝安為吏部尚書桓
沖為侍中勢還不遠可先為起第已待之十六國春秋三
十八又下書
兼道赴壽春下令

敢言吾至壽春者拔舌晉書載紀苻堅傳下又
十六國春秋三十八
與諸鎮書

昔晉氏平吳利在二陸今破漢南獲士裁一人有半耳晉書晉陽陷苻堅素聞其名與道安俱與而致焉曰其

與僧朗書

皇帝敬問泰山朗和尚大聖應期靈權超逸陰蓋十方化融無外若山海之養羣生等天地之育萬物養生存死澄神寂妙朕已虛薄生與聖會而隔已萬機不獲輦駕今遣使者安車相請應冀靈光迴蓋京邑并奉紫金數斤供鍍形像絹綾三十匹奴子三人可備洒掃至人無違幸望納受想必玄鑒見朕意焉廣弘明集三十四十六國春秋

報王猛

將軍役不逾時而元惡克舉勳高前古朕今親帥六師星馳電赴將軍其休養將士已待朕至然後取之十六國春秋三十六

朕之于卿義則君臣親踰骨肉雖復桓昭之有管樂立德之有孔

明自謂踰之夫人主勞于求才逸于得士既曰六州相委則朕無東顧之憂非所曰爲優崇乃朕自求安逸也夫取之不易守之亦難苟任非其人患生慮表豈獨朕之憂亦卿之責也故虛位台鼎而曰分陝爲先卿未照朕心殊乖素望新政俟才宜速銓補俟東方化洽當袞衣西歸十六國春秋三十六

卿昔螭蟠布衣朕龍潛弱冠屬世事紛紜厲士之際顛覆厥德朕奇卿于暫見擬爲臥龍卿亦異朕于一言迴考槃之雅志豈不精契神交千載之會雖傳巖入夢姜公悟兆今古一時亦不殊也自卿輔政幾將二紀內釐百揆外蕩羣凶天下向定彝倫始敘朕且欲從容于上望卿勞心于下弘濟之務非卿而誰晉書載紀王猛傳又十六國春秋

秋四十二

報荀融

汝爲德未充而懷是非立善未稱而名過其實詩云德輶如毛人

鮮克舉。君子處高。戒懼傾敗。可不務乎。今四海事曠。兆庶未寧。黎元應撫。夷狄應和。方將混六合。呂一家。同有形于赤子。汝宜息之。勿懷耿介。夫天道助順。修德則禳災。苟求諸已。何懼外患焉。晉書載紀

報慕容垂

朕曰不德。忝承靈命。君臨萬邦。三十年矣。遐方幽裔。莫不來庭。惟東南一隅。敢違王命。朕爰奮六師。恭行天罰。而玄機不弔。王師敗績。賴卿忠誠之至。輔翼朕躬。社稷之不隕者。卿之力也。詩云。中心藏之。何日忘之。方任卿曰元相。爵卿曰郡侯。庶弘濟艱難。敬酬勳烈。何圖伯夷忽毀冰操。桺惠倏爲淫夫。覽表惋然。有慚朝士。卿既不容于本朝。匹馬而歸。命朕則寵卿曰將位。禮卿曰上賓。任同舊臣。爵齊勳輔。歃血斷金。披心相付。謂卿食堪懷音。保之偕老。豈意畜水覆舟。養獸反害。悔之噬臍。將何所及。誕言駭眾。誇擬非常。周

武之事豈卿庸人所可論哉。失籠之鳥非羅所羈，脫網之魚豈罟所制。翹陸任懷，何煩聞也。念卿垂老，老而爲賊，生爲叛臣，死爲逆鬼。侏張幽顯，布毒存亡。中原士女，何痛如之。朕之祿運興喪，豈復由卿。但長樂平原，已未立之年，遇卿于兩都，慮其經略，未稱朕心。所恨者此焉而已。

晉書載紀慕容垂傳又十六國春秋四十四

招魂

有忠有靈，來就此庭。歸汝先父，勿爲妖形。

晉書載紀符堅傳下三輔人爲慕容沖所略者

族火爲內應得免者十有一二堅設祭而招之云云又十六國春秋三十八

符丕

丕字永叔，堅子。自晉太元十年，僭卽皇帝位，于晉陽改元太安。

明年南奔，爲晉馮該所殺。符登僭號，諡曰哀平皇帝。

下書攻慕容永

鮮卑慕容永乃我之騎將，首亂京師，禍傾社稷，豕凶繼逆，方請誅。

歸是而可忍、就不可忍、其遺左丞相王永、及東海王纂、帥禁衛虎旅、夾而攻之、十六國春秋三十九

答謝玄書

今往大文綾羅各五十匹、

藝文類聚八十五又御覽八百十六作今往大文羅大綾各五匹又十六國春秋

秋三十八末多曰酬厚意四字

苻登

登字文高、堅族孫、自晉太元十一年、僭即皇帝位、改元太初、在位九年、為姚興所殺、苻崇僭號于湟中、諡曰高皇帝、廟號太宗、

告苻堅神主

維曾孫皇帝臣登、言大皇帝之靈、恭踐寶位、昔五將之難、賊羌肆害于聖躬、實登之罪也、今合義旅、眾餘五萬、精甲勁兵、足已立功、年穀豐穰、足已資贍、即日星馳電邁、直造賊庭、奮不顧命、隕越為期、庶上報皇帝酷冤、下雪臣子大恥、惟帝之靈、降鑒厥誠、晉書載紀苻登

傳又十六國

春秋四十

又告神主

曾孫登自受任執戈幾將一紀未嘗不上天錫祐皇鑒垂矜所在必克賊旅冰摧今太皇帝之靈降災疾于逆羌已形類推之醜虜必將不振登當因其隕斃順行天誅拯復梓宮謝罪清廟晉書載紀符登

傳又十六國

春秋四十

符融

融字博休堅季弟封平陽公拜侍中中書監左僕射除中軍將軍遷司隸校尉尋代王猛爲鎮東大將軍冀州牧徵拜侍中中書監都督中外軍事車騎大將軍司隸校尉太子太傅領宗正錄尚書事尋爲征南大將軍戰死贈大司馬諡曰哀公

上疏諫用慕容暉等

臣聞東胡在燕祿數彌久逮于石亂遂據華夏跨有六州南面稱

帝陛下爰命六師大舉征討勞卒頻年勸而後獲本非慕義懷德
歸化而今父子兄弟列官滿朝執權履職勢傾勞舊陛下親而幸
之臣愚目為猛獸終不可養狼子野心往年星異災起于燕願少
留意已思天戒臣據可言之地不容默已詩曰兄弟急難朋友好
合昔劉向曰肺腑之親尚能極言況于臣乎晉書載紀苻堅傳上
又十六國春秋三十

苻庾

庾一作設又作雙健少子封魏公苻堅目為鎮軍將軍洛州刺
史據陝城降于燕王猛擒送長安斬之案載紀苻堅傳作苻庾
慕容暉傳作苻設慕容

德傳作
苻雙

與慕容垂皇甫真書

苻堅王猛皆人傑也謀為燕患為日久矣今若乘機不赴恐燕之
君臣將有涌東之悔晉書載紀慕容暉傳又
十六國春秋二十八

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百五十二

烏程嚴可均校輯

前秦二

苻朗

朗字元達，堅從兄子，徵拜鎮東將軍、青州刺史，封樂安男。堅敗後，降晉爲員外散騎侍郎，王國寶譖而殺之。有苻子三十卷。

苻子

謹案道家祖黃老，蓋三皇五帝之道也。變而爲列禦寇、莊周，則楊朱之爲我也。又變而房中術，而金丹，而符籙，而齋醮，每降益下，而道家幾乎熄矣。于是乎秦漢已來，未有著書象道德經者。其象列子、莊子，僅有苻朗、苻堅之從兄子也。隋唐志：苻子三十卷，宋不著錄。路史徵引，皆取諸類書，非有舊本流傳。蓋亡于唐末，余從類書寫出八十一事，省併復重，得五十事，定

著一卷備道家之一種就中有云至人之道也如鏡有明有照有引有致又云爲道者日損而月章爲名者日章而月損又云荆山不貴玉鮫人不貴珠又云木生蠟蠟威而木枯石生金金曜而石流三復其言具有名理本傳稱老莊之流非過許也嘉慶丁丑歲秋九月九日嚴可均謹敘

方外

太公涓釣于隱溪五十有六年矣而未嘗得一魚魯連聞之往而觀其釣焉太公涓跪石隱崖不餌而釣仰咏俛陰及暮而釋竿其鄰所處之崖皆若曰其跼觸崖若路魯連曰釣所本目在魚無魚何釣太公曰不見康王父之釣邪念蓬萊釣巨海擢竿投綸五百竿矣未嘗得一魚方吾猶一朝耳

御覽八百三十四又九百三十五

家策

荷蘭棄千鈞之劍抱朴子趨而進曰夫千金利劍剖割之所存焉

苻子之書大道之所居焉何夫子棄大而存小乎苻朗不應書鈔
一又一百二十二御覽三百四十四案
此抱朴子非葛洪也葛洪與苻朗不相值

已干篇
名闕

黃帝將適昆虞之丘中路逢容成子乘翠華之蓋建日月之旗騶
紫蚪御雙鳥黃帝命方明避路謂容成子曰吾將釣于一壑栖于

一丘御覽七十九

黃帝謂其友無爲子曰我勞天下矣疲于形役請息駕于玄圃子

宣代之無爲子曰焉能棄我之逸而爲君之勞哉乃攀龍而俱去

御覽七十九

堯曰天下讓巢父巢父曰君之牧天下亦猶子之牧孤犢君牧天

下是各有其所牧矣君焉用惴惴然日所牧而與之余無用天下

爲也于是牽犢而去藝文類聚九十四

許由謂堯曰坐于華殿之上而雙闕之下君之榮願亦已足矣夫

余下脫
余字

按御覽作
孰如奴然
以天下為
事乎

堯曰余坐于華殿之上森然而松生于棟余立于櫺扉之內霏焉

而雲生于牖雖面雙闕無異乎崔嵬之冠蓬萊雖背墉郭無異乎

迴巒之繁崑崙余安知其所已榮

御覽八十又略
見書鈔十二

虞帝遜禹于洞庭張樂成于洞庭之野于是望韶石而九奏

路史
發揮

五

案御覽八十一引苻子曰舜禪夏禹于洞
庭之野路史有多出之句文亦不同未詳所本

禹讓天下于奇子奇子曰君之佐舜勞矣鑿山川通河漢首無髮

股無毛故舜也已勞報子我生而逸不能為君之勞矣

藝文類聚
十一御覽

八十二又四
百二十四

務光自投于河盧奴之伯目亦鯉送之

御覽九百
三十六

太伯將讓其國于季歷謂其傅曰太王欲已一國之事而目嗣我

我其羞之吾聞至人也不君一世而萬世目之君不貴一代而萬

代已之貴吾焉能貴乎一國而賤乎萬代哉

藝文類聚二十一
御覽四百二十四

武王曰天下讓岐封子岐封子曰敦勿勿然已天下為事君往矣

余不忍聞之

御覽四百二十四

漢王聞宋勝子方牧羊于巨澤鼓而歌南風之詩使者進謂宋勝子以漢王聞先生之賢使使者致命于先生而安國政焉宋勝子嬰然而顧謂使者曰是何言與今漢王待四海之士與十羣之羊其于職司也奚已異乎而大王廢牧羊之任委已四海之政是錯亂天位倒置人倫勝不願爲也乃逃于陰山之陽

御覽八百三十三

志存四海之外

書鈔十二

堯舜之智桀紂曰爲不智堯舜曰爲智惡知堯舜之非桀紂桀紂之非堯舜乎

藝文類聚二十一

朔人有獻燕昭王曰大豕者曰養奚若使曰豕也非大豕不居非人便不珍今年百二十矣邦人謂之豕仙王乃命豕宰養六十五年大如沙墳足如不勝其體王異之令衡官橋而量之折十橋豕不量又命水官舟而量之其重千鈞其羣臣言于王曰是豕無用

燕相謂王曰奚不饗之王乃命宰夫即膳之豕既死乃夕見夢于

燕相曰造化勞我已豕形食我已人穢吾患其生久矣今仗君之

靈而化吾生也始得為魯津之伯而浮舟者食我已梗糧之珍而

欣君之惠將報子焉後燕相涉一作于魯津有赤龜奉璧一作夜光原

注一云而獻之藝文類聚二十六又九十六初學記二十九白

夜光珠而獻之孔六帖九十八人御覽九百三又九百三十一

心能善知人者如明鏡善自知者如蚌鏡鏡曰曜明故鑒人蚌曰

含珠故內照藝文類聚七十御覽七百十七

齊景公好馬命善畫者圖而訪之殫百乘之價期年而不得像過

實也今使愛賢之君故古籍曰求其人雖期百年亦不可得也藝文類聚九十三御覽八百九十七

苒子觀于龍門有一魚奮鱗鼓鬣而登乎龍門而為龍又一術士

淩波泝流而不陷挂鈴行歌飄浪于龍門而終日棲遲而不化苒

子曰彼同功而事異迹一而理二夫何哉無乃魚目實應而人目

僞求乎

載文類聚九十六

東海有鼃焉冠蓬萊而浮游于滄海騰躍而上則干雲之峯邁類

于羣岳沈沒而下則隱天之巨潛嶠于重泉

一作有紅蜺

一作蟻者

聞而悅之與羣蟻相邀乎海畔欲觀鼃之行焉月餘日鼃潛未出

羣蟻將反遇長風激浪崇濤萬仞海中沸地雷震羣蟻曰此將鼃

之作也數日風止雷默海中隱淪如岳其高際天或遊而西羣蟻

曰彼之冠山何異我之戴笠也消搖乎壤封之巔歸伏乎窟穴之

下此乃物我之失自己而然何用數百里勞形而觀之乎

載文類聚九十六

七御覽九百四十七

晉公子重耳奔齊與五臣游乎大澤之中見蜘蛛布其網曳其繩

而執豸曰食之公子重耳乃撫僕之手駐蹕而觀之顧謂其臣咎

犯曰此蟲也智之薄者矣而猶役其智布其網曳其繩而執豸曰

食之況乎人之有智而不能庖垂天之網布絡地之蠅曰供方丈

之御是曾不如蜘蛛之智孰不可謂之人乎咎犯曰公子慎勿言

也若終行之則有邦有嗣也藏文類聚九十七御覽九百四十八

不安其昧而樂其明也是猶飛御覽一蛾去暗赴燈而死御覽一

者也藏文類聚九十七御覽八

楚之文子御覽作魯之周子齊之狂子三子相與居乎泰山之陽

處乎環堵之室御覽作草戶御覽作門不厭蓋茨不翬而高御覽作歌不輟宋本

記十八御覽四百八十五

至人之道也如鏡有明有照有引有致初學記二十五

有驢仙者享年五百歲負乘而不輟御覽作居無定主大驛御覽作

于天下初學記二十九自孔六

老氏之師名釋迦文佛法苑珠林六十九

威魄重輪六合俱照非日月能平御覽三

水生于石未有居山一作而溺者火生于木未有抱樹一作而焦

者御覽五十一又九百五十二

桀觀炮烙于瑤臺謂關龍逢曰樂乎龍逢曰樂桀曰觀刑曰樂何

無惻怛之心焉龍逢曰天下皆之而君為樂臣為君股肱孰有心

悅而股肱不悅乎桀曰聽子諫諫得我改之諫不得我刑之龍逢

曰臣嘗觀君之冕非其冕也而冕危后君之履非其履也而履春

冰未有冠危后而不壓陷春冰而不陷者也桀乃笑而應之曰是

日亡則與俱亡子知我之亡而不自知亡乎子且就炮烙之刑我

觀子亡子不知我亡龍逢布武而趨行歌曰造化一作造物勞我曰生

息一作休我曰炮烙去故涉新我樂而人不知乃赴火而死御覽八百四十七六百八十六

魯侯欲召孔子為司徒將召三桓而議之乃謂左丘明曰寡人欲

召孔子為司徒而授召魯政焉寡人將欲詢諸三子左丘明曰孔

丘聖人與夫聖人任政過在離位焉君雖欲謀其將弗合乎魯侯

案御覽
任當作在
在當作若
將當作遂

案御覽
作宋可
投河而
也

曰吾子奚已知之正明曰周人有愛裘而好珍羞爲千金之裘而與狐謀其皮欲具少牢之珍而與羊謀其羞言未卒狐相率逃于重丘之下羊相呼藏于淡林之中故周人十年不制一裘五年不具一牢何者周人之謀失之矣今君欲召孔丘爲司徒召三桓而議之亦與狐謀裘與羊謀羞哉于是魯侯遂不與三桓謀而召孔丘爲司徒

御覽二百八又六百九十四

秦穆公伐晉及河將勞師而醪惟飲一鍾蹇叔曰一醪可投河而

飲也穆公乃召一醪投河三軍醉矣

御覽二百八十一

爲道者日損而月章爲名者日章而月損

御覽四百三

玄冥子謂由有子曰子有師乎由有子曰吾將召萬物爲師矣

御覽四百

春秋華林傳曰不知不言其所召仁

御覽四百十九

惠子家窮餓數日不舉火乃見梁王王曰夏麥方熟請割召與子

可乎。惠子曰：「施來方遇，隄川之水長，有一人溺流而下，呼施救之。施應曰：『吾不善游，方將爲子告急于東越之王，簡其善游者。』」子可乎？溺人曰：「我得一瓢之力，則活矣。」子方告急于東越之王，簡其善游者，已救我，是不如求我于重淵之下、魚龍之腹矣。」

御覽四百八十六

鄭人有逃暑于孤林之下者，日流影移，而徙在日從陰，及至暮，反席于樹下，及月流影移，復徙在日從陰，而患露之濡于身，其陰逾去，而其身逾溼，是巧于用晝而拙于用夕矣。奚不處曜而辭陰，反林自露，此亦愚之至也。」

御覽四百九十九

陶朱富者，朱公喪其中子，鄰人往弔之。朱公方擁膝踴踞，捧頭而笑。鄰人曰：「聞有喪，將唁子，致哀。」朱公曰：「生不致哀死而唁，何鄰人之不通。」

御覽五百六十一

有澤父者，冠葭蘆之笠，納口鹿之履，莎裳褐衣，緩步而去。

書鈔一百二十一

九御覽六

百九十三

晉之相者桓氏世傳于楚善曰道假乎射焉常曰其所不射而射之患晝之不足曰卒歲故曰夜而燭之

御覽七百四十五

夏王使羿射于方尺之皮徑寸之的乃命羿曰子射之中則賞子曰萬金之費不中則削子曰千邑之地羿容無定色氣戰于胸中乃援弓而射之不中更射之又中夏王謂傅彌仁曰斯羿也發無不中而與之賞罰則不中的者何也傅彌仁曰若羿也喜懼爲之災萬金爲之患矣人能遺其喜懼去其萬金則天下之人皆不愧于羿矣夏王曰口人聞子之言始得無欲之道

御覽七百四十五

荆山不貴玉鮫人不貴珠

御覽八百五

大雖廓矣野人猶有羣翳之勤

御覽八百三十四

顏子有疾三日不食人問之曰吾師食非丹不食茹非芝不茹故七百歲子何不吮瑤曰延生咀噉曰養齡也

御覽八百四十九

吾與玄朱觀東海釋四馬乎岷山玄朱中路而亡馬苻子使人求之不獲使鬼索之而獲

御覽八百九十七

六合不可妄知故良馬在其中矣請曰六合之觀觀之也

御覽八百九十七

魏文侯見宋陵子三仕不富文侯曰何貧宋陵子曰臣見楚富者牧羊九十九而願百嘗訪邑里故人其鄰人貧有一羊富者拜之曰吾羊九十九今君之一盈我成百則牧數足矣鄰者與之從此觀之焉知富者非貧貧者非富也

御覽九百二

齊景公謂晏子曰寡人既得寶千乘歌萬駟矣方欲珍懸黎會金玉其得之耶奚若晏嬰曰臣聞琬琰之外有鳥焉曰金翅民謂爲羽豪其爲鳥也非龍肺不食非鳳血不飲其食也常飢而不飽其飲也常渴而弗充生未幾何夭其天年而死金玉之珍乃非爲君之患也

御覽九百二十七

案御覽作金玉之非珍乃爲君之患也

馬字衍

按李御覽為之君臣之域

全晉文卷一百五十二

七

齊魯爭汶陽之田魯侯有憂色魯有隱者周豐往觀焉曰臣嘗晝寢愀然聞羣蟲之鬪乎衣中甘臣膏腴之肌珍臣項膺之膚相與樹黨爭之日夜不息相殺者大半蟲父止之曰我與爾所慮不過容口奚用竊爭交戰為哉羣蟲止今君曰七百里地為之君臣亦曰為足矣而曰汶陽數步之田惑君之心曾不如一蟲之智竊為君羞之魯侯曰善御覽九百五十一

木生蠟蠟盛而木枯石生金金曜而石流御覽九百五十二

苻子登平太山下臨千仞之淵上蔭百尺之松蕭蕭然神王乎一

丘矣言不出乎耒耜心不過乎俗人其猶木大守脂御覽作耳雞

司晨矣御覽九百五十三又書鈔一百三十五脂篇引末二語

趙之相者曰林氏有九子皆賢國人美而稱之號曰九德之父十德之門趙王疾之乃使擇其果之繁者伐之其父曰果之茂者猶伐之況其人乎吾將曰爾為累矣去之則免乃攜老持子逃于白

雲之巖終身不返趙人思之

御覽九百六十四

鄰人謂展禽曰魯聘夫子夫子三黜無憂色何禽曰春風鼓百草

敷蘗吾不知其茂秋霜降百草零落吾不知其枯

御覽九百九十四

王猛

猛字景略北海劇人家于魏郡苻堅引爲龍驤府僚屬及僭位
進中書侍郎轉始平令歷尚書右丞咸陽內史京兆尹除吏部
尚書太子詹事遷尚書左僕射輔國將軍司隸校尉加騎都尉
進尚書令太子太傅加散騎常侍呂平燕功封清河郡侯畱鎮
冀州入爲丞相中書監加都督中外諸軍事拜司徒卒諡曰武
侯有集五卷

渭原誓

王景略受國厚恩任兼內外今與諸軍深入賊地宜各勉進不可
退也願戮力行間已報恩願受爵明君之朝慶觴父母之室不亦

美乎

晉書載紀苻堅傳上又十六國春秋三十六與此小異

上疏讓輔國將軍

伏見散騎常侍陽平公融明德懿親光祿散騎西河任羣忠貞淑慎處士京兆朱彤博識聽辨竝宜左右彌綸暉贊九棘愚臣庸鄙請避賢路

十六國春秋三十六

園鄴上疏

臣自甲子之日大殲醜類賴陛下仁愛之志使六州士庶不覺見主自非守迷違命一無所害

十六國春秋三十六

鎮冀州上疏請代

臣前所召朝聞夕拜不顧艱虞者正召方難未夷軍機權速庶竭命戎行甘馳驅之役敷宣王化盡筋骨之效故僂俛從事叨據負乘可謂恭王命于濟時俟太平于今日今聖德格于皇天威靈被于八表弘化已熙六合清泰竊敢披貢丹誠請避賢路設官分職

各有司存豈應孤任愚臣目速傾敗東夏之事非臣區區所能康
理願徙授親賢濟臣顛墜若目臣有鷹犬微勤未肯捐棄者乞待
罪一州效盡功命徐方始賓淮汝防重六州處分府選便宜輒已
悉停督任弗可虛曠深願時降神規

晉書載紀王猛傳又十六國春秋四十二

上疏讓司空

臣聞乾象盈虛惟后則之位稱曰木官非則曠鄭武翼周仍世載
詠王叔昧寵政替身亡斯則取成敗之殷監爲臣之炯戒竊惟鼎
宰崇重參路太階宜妙盡時賢對揚休命魏祖曰文和爲公貽笑
孫后千秋一言致相匈奴唎之臣何庸狷而應斯舉不但取嗤鄰
遠實令爲虜輕秦昔東野窮馭顏子知其將傲陛下不復料度臣
之才力私懼敗亡是及且上虧憲典臣何顏處之雖陛下私臣其
如天下何願迴日月之鑒矜臣後悔使上無過授之謫臣蒙覆蔭
之恩

晉書載紀王猛傳又十六國春秋四十二

疾少瘳上疏

不圖陛下曰臣之命而虧天地之德開闢以來未之有也臣聞報德莫如盡言謹曰垂沒之命竊獻遺款伏惟陛下威烈振乎八荒聲教光乎六合九州百郡十居其七平燕定蜀猶如拾芥夫善作者不必善成善始者不必善終是曰古先哲王知功業之不易兢兢業業如臨深谷伏惟陛下追蹤前聖天下幸甚

十六國春秋三十七

遺張天錫書

吾受詔救儼不令與涼州戰今當深壁高壘曰聽後詔曠日持久恐二家俱弊非良策也若將軍退舍吾執儼而東將軍徙民西旋不亦可乎

十六國春秋七十四

遺慕容廆書

國家今已塞成皋之險杜盟津之路大駕虎旅百萬自軹關取鄴都金墉窮成外無救援賊下之師將軍所監豈三千敝卒所能支

也

十六國春秋二十九

爲書論張天錫

昔貴先公稱藩于劉石者，惟審于強弱也。今論涼土之力，則損于往時，語大秦之德，則非二趙之匹。而將軍翻然自絕，無乃非宗廟之福也歟？夫呂秦之威，旁振無外，可曰回弱水使東流，返江河使西注，關東既平，將移兵河右，恐非六郡士民所能抗也。劉表謂漢南可保，將軍謂西河可全，吉凶在身，元龜不遠，宜深算妙慮，自求多福，無使六世之業，一旦而墜地也。

十六國春秋三十一又七十四

王永

永猛子，仕苻堅，爲幽州刺史，堅死，擁立苻丕于晉陽，拜使持節、侍中、都督中外諸軍事、車騎大將軍、尚書令、封清河公，尋拜司徒、錄尚書事，進左丞相，爲慕容永所敗，死之。

宣撫州郡

大行皇帝棄背萬國四海無主征東大將軍長樂公先帝元子聖
武自天受命荆南威鎮衡海分陝東都道被夷夏仁澤光于宇宙
德聲侔于下武永與司空蚝等謹順天人之望日季秋吉辰奉公
紹承大統銜哀卽事棲谷總戎枕戈待旦志雪大恥慕容垂爲封
豕于關東汎冲繼囚于京邑致乘輿播越宗社淪傾羌賊姚萇我
之牧土乘釁滔天親爲大逆有生之巨賊也永累葉受恩世荷將
相不與驪山之戎榮澤之狄共戴皇天同履厚土諸牧伯公侯或
宛沛宗臣或四七勳舊豈忍舍破國之醜豎縱殺君之逆賊乎主
上龍飛九五實協天心靈祥休瑞史不輟書投戈效義之士幾三
十餘萬少康光武之功可旬朔而成今日衛將軍俱石子爲前軍
師司空張蚝爲中軍都督武將猛士風烈雷震志殄元兇義無他
顧永謹奉乘輿恭行天罰君臣始終之義在三忘軀之誠戮力同
之曰建晉鄭之美

晉書載紀苻丕傳又十六國春秋三十九

又檄州郡

昔夏有窮夷之難、少康起焉。王莽毒殺平帝、世祖重光漢道。百六之運、何代無之。天降喪亂、羌胡猾夏。先帝晏駕、賊庭京師、鞠爲茂穴。神州蕭條、生靈塗炭。天未亡秦、社稷有奉。主上聖德恢弘、道侔光武、所在宅心。天人歸屬、必當隆中興之功。復配天之美。姚萇殘虐、慕容垂凶暴、所過滅戶、夷烟毀發、丘墓毒偏存亡、痛纏幽顯。雖黃巾之害于九州、赤眉之暴于四海、方之未爲甚也。今素秋將及、行師令辰、公侯牧守、壘主鄉豪、或戮力國家、乃心王室、各率所統、目孟冬上旬、會大駕于臨晉。

晉書載紀苻丕傳又十六國春秋三十九

王彤

彤、新平人。仕苻堅爲太史令。王猛目爲左道惑眾。勸堅誅之。追贈光祿大夫。

臨刑上疏

臣呂趙建武四年從京兆劉湛學明于圖記謂臣曰新平地古顓
頊之墟里名曰雞閭記云此里應出帝王寶器其名曰延壽寶鼎
顓頊有云河上先生爲吾隱之于咸陽西北吾之子孫有艸付臣
又土應之湛又云吾嘗齋于室中夜有流星大如半月落于此地
斯蓋是乎願陛下誌之平七州之後出于壬午之年晉書載紀苻
堅傳下又十
六國春秋

三十八

王攸

攸仕苻堅爲京兆尹遷諫議大夫

上書獻十略

一曰君道宜明二曰臣尚忠敬三曰子貴孝養四曰民生在勤五
曰教無偏黨六曰養民在惠七曰延聘耆賢八曰懲惡顯善九曰
伐叛討逆十曰易簡弘大十六國春秋

彭超

超仕苻堅爲兖州刺史入寇淮南兵敗徵下獄自殺

上言攻晉彭城

晉沛郡太守戴遂曰卒數千戍彭城臣請率精銳五萬攻之願更遣重將討淮南諸城

晉書載紀
苻堅傳上

裴元略

元略仕苻堅爲尚書郎遷諫議大夫拜陵江將軍西南夷校尉巴西梓潼二郡太守

諫苻堅

臣聞堯舜茅茨周卑宮室故致和平慶隆八百始皇窮極奢麗嗣不及孫願陛下則采椽之不斷鄙瓊室而不居敷純風于天下流休範于無窮賤金玉珍穀帛勤恤民隱勸課農桑捐無用之器棄難得之貨敦至道曰厲薄俗修文德曰懷遠人然後一軌九州同風天下刑措旣登告成東岳蹤軒皇曰齊美晒二漢之徒封臣之

願也

晉書載紀苻堅傳上又十六國春秋三十七

郭質

質馮翊人起兵廣鄉曰應苻登拜平東將軍馮翊太守兵敗歸姚萇曰爲將軍眾皆潰散

宣徽三輔

義威君子利動小人吾等生逢先帝堯舜之化累世受恩非常伯納言之子卽卿校牧守之肩而可坐視豺狼忍害君父裸尸薦棘痛結幽泉山林無松隧之兆靈主無清廟之頌賊臣莫大之甚自古所未聞雖茹荼之苦銜蓼之辛何目諭之姚萇窮凶肆虐毒被人神于圖讖脉數萬無一分而敢妄竊重名厚顏瞬息日月固所不照二儀實亦不育皇天雖欲絕之亦將假手于忠節凡百君子皆夙漸神化有懷義方含恥而存孰若蹈道而沒乎

晉書載紀苻登傳又見十

六國春秋四十

奏天變

太白犯東井。東井秦之分野。太白罰星。必有暴兵起于京師。晉書載紀

魏書苻生傳又見

崩城石函銘

秦建元十年造銅虎馬御覽一百八十三引郡國志蒲城大厰前有石函長二尺高一尺人不敵開銘云

廣武將軍口產碑

維大秦建元四年歲在丙辰十月一日廣武將軍節口口口口
口口口口使持節冠軍將軍益州刺史上黨公之元孫三代侍
中右口口口口口口口口卿建忠將軍撫口護軍扶風太守遷
壽匡侯之胤子諱產字君口口口口口口君秉德淵口高韻絕
沅文柔武烈令聞孔脩口拱口口口持挺口口口口口匡敗
歎主忠訓殊異宰政欽干顯授池陽令稱揚德口口口口口口

口口口口和戎翟綏懷口口卽授征西大將軍右司馬敷教殊方
西口口口口口口口口口口茂著乃業口口蕭口口口于今也君臨
此城漸再累紀口口口口口口口口口口享口口口口口口口口
口口口而口口口惠和導口口口口口口口口口口口口口口口口
口口口口口口口口口口口口口識于當口垂口口口口口口口口
口口口君當列封口口口司馬卽口口廣武司馬孟巨口口口口
口口口口口口口口口口節將軍董口建口口軍楊口建口口軍口口
口口口口口口口口口口口口口口郎建武將軍王柴鷹揚將
軍口口口口口口口口口口口口口口董縻口口口口口口躬臨南界與
馮翊護軍荀輔參分所口刊石口口口口山爲口口口口口口口口
口方西至洛水東齊定陽南北七百東西二百口口口口口口口口
口口口口口口口口水統戶三萬領吏千人口將三口

赫赫皇秦誕鍾應靈臨有萬邦威暢八口九域攸同口口口口口口

口口口口口明徽音永詠基年有成政脩區足首道口口刊后
口口口口口碑本

賜進士出身二品銜廣東等處提刑按察使司按察使兼管驛傳事務黃何王毓藻校刊

全晉文卷一百五十二終

全晉文卷一百五十二

闕名

南

全晉文卷一百五十三

烏程嚴可均校輯

後秦

姚弋仲

弋仲，南安赤亭羌人。永嘉中，自稱護西羌校尉、雍州刺史、扶風公、劉曜僭位，曰爲平西將軍，封襄平公。曜亡，石勒曰爲安西將軍，六夷左都督，石弘僭位，拜奮武將軍，西羌大都督，封襄平縣公。石虎僭位，遷持節、十郡六夷大都督、冠軍大將軍，曰平梁犢。功封西平郡公。石祗僭位，拜右丞相，曰晉永和七年，遣使來降，拜使持節、六夷大都督、都督江淮諸軍事、車騎大將軍，儀同三司。大單于封高陵郡公。明年卒。姚萇僭位，追謚曰景元皇帝，廟號始祖。

上石勒疏諫寵祖約

祖約殘賊晉朝逼殺太后不忠于主而陛下寵之臣恐姦亂之萌此其始矣

晉書載紀姚弋仲傳晉豫州刺史祖約奔于勒勒禮待之弋仲上疏云云勒誅約又十六國春秋五十三

姚萇

萇字景茂弋仲第二十四子苻堅曰為揚武將軍歷左衛將軍隴東汲郡河東武都武威巴西扶風太守監幽兗三州刺史復為陽武將軍步兵校尉封益都侯及堅寇晉曰為龍驤將軍督益梁州諸軍事堅敗自稱大將軍大單于萬年秦王建元白雀呂晉太元十一年僭即皇帝位于長安改元建初國號大秦在位八年諡曰武昭皇帝廟號太祖

下書禁復私仇

有復私仇者皆誅之將吏亡滅者各隨所親曰立後振給長育之

晉書載紀姚萇傳又

十六國春秋五十五

下書道學官

番臺諸鎮各置學官勿有所廢考試優劣隨才擢敘晉書載紀姚萇傳又十六

國春秋

下書復從征兵吏

兵吏從征伐戶在大營者世世復其家無所豫晉書載紀姚萇傳又十六國春秋五

十

下書禁誣劾

除妖誦之言及姦穢有相劾舉者皆已其罪罪之晉書載紀姚萇傳又十六國春秋

十五

敕太子興

荀曜奸姦變將為國害聞吾還北必來見汝汝便執之晉書載紀姚萇傳又

十六國春秋

立苻堅神主請詞

往年新平之禍非萇之罪臣兄襄從陝北渡假路求西狐死首丘

欲暫見鄉里。陛下與苻眉要路距擊。不遂而沒。襄敕臣行殺。非臣之罪。苻登陛下末族。尚欲復讎。臣爲兄報恥。于情理何負。昔陛下假臣龍驤之號。謂臣曰。朕已龍驤建業。卿其勉之。明詔昭然。言猶在耳。陛下雖過世爲神。豈假手于苻登而圖臣。忘前征時言邪。今爲陛下立神象。可歸休于此。勿計臣過。聽臣至誠。

晉書載紀苻登傳又十六國春秋

秋五十五

姚興

興字子略。萇長子。仕苻堅爲太子舍人。萇僭號立爲皇太子。曰晉太元十九年。僭卽皇帝位。于槐里。至義熙十二年死。在位二十二年。改元二。皇初。弘始。諡曰文桓皇帝。廟號高祖。

敕關尉

諸生咨訪道藝。修己勵身。往來出入。勿拘常限。

晉書載紀姚興傳上又十六國春秋

六十

班命

六 郡國百姓因荒自賣為奴婢者悉免為良人晉書載紀號與傳上又十六國春秋五十

下書卹戰亡士卒

士卒戰亡者守宰所在埋藏之求其近親為之立後同上

下書定遭喪制

將帥遭大喪非在疆場嶮要之所皆聽奔赴及募乃從王役臨戎遭喪聽假百日若身為邊將家有大變交代未至敢輒去者已擅去官罪罪之同上

下書贈戰沒軍士

軍士戰沒者皆厚加褒贈同上

下書僧侶等

大法東遷于今為盛僧尼已多應須綱領宣授遠規已濟顏緒僧

若法師學優早年德芳暮齒可爲國內僧主僧遷法師禪慧兼修
卽爲悅眾法欽慧斌共掌僧錄給車輿吏力給資侍中秩傳詔羊
車各二人

高僧傳六又十六
國春秋六十二

下書道恆道標

卿等樂道體閑服膺法門敷然之操實在可嘉但朕君臨四海治
急須才方欲招肥遁于山林搜陸沈于屠肆況卿等周旋篤舊朕
所知盡各挹幹時之能而潛獨善之地此豈朕求賢之至情卿等
兼弘之深趣邪昔人有言國有驥而不乘方惶惶而更索是之謂
也今敕尙書令顯使奪卿等二乘之福心由卿清名之容室讚時
益世豈不大哉苟心存道味寧係白黑望體此懷不曰守節爲辭
也

弘明集十一高僧傳六
又十六國春秋六十二

省所奏具意今所已相屈者時所須也不復相推本心已及于此
煩懇勸廣自料理吾之情趣想卿等體之在素不復煩言便可奉

承時命勉菩薩之蹤耳

弘明集十一又十六國春秋六十二

得重奏一二具之情事具如前詔但當開意已從時命無復煩于

鄭重也

弘明集十一又十六國春秋六十二

致書鳩摩羅什僧習

別已數旬每有傾想漸暖比日何如小虜遠舉更無處分正有憤

然耳頃萬事之殷須才已理之近詔道恆道標二人令釋羅漢之

服尋大士之蹤想當盤桓耳然道無不在法師等勛已諭之苟廢

其尋道之心亦何必須爾也致意遷上人別來何侶不審習統復

何如多事不能一一為書恆等亦可令諸上人勸其令造菩薩之

行也

弘明集十一高僧傳六又十六國春秋六十二

又下書與僧習等

省疏所引一二具之朕已獨善之美不如兼濟之功自守之節未

若拯物之大雖子陵頡頏于光武君平傲岸于蜀肆周黨辭祿于

甚高作石

漢朝杜微稱襲于諸葛此皆偏尙耿介之士耳何足已闕默語之
要領高勝之趣哉今九有未乂黔黎荼蓼朕已寡德獨當其弊思
得羣才共康至治法師等雖潛心法門亦毘世宣敎縱不能導物
化時勉人爲治而遠美辭世之許由高散髮于謝敷若九河橫流
人盡爲魚法師等雖毘世宣敎亦安施乎而道恆等伏膺法訓爲
日久矣然其才用足已成務故欲枉奪其志已輔時政耳甚福報
有徵佛不虛言拯世急病之功濟時寧治之勳功福在此而不在
彼可相誨諭時副所望

弘明集十一又十六國春秋六十二

遣禿髮傉檀書

今遣尙書左僕射齊難討勃執懼其西逸故令弼等于河西邀之

晉書載紀禿髮傉檀傳又十六國春秋八十九

與弟安成侯嵩述佛義書

吾曾已已所懷疏條摩訶衍諸義圖與什公評詳厥衷遂有哀故

不當作木

不知二字
行

不復能斷理義未久什公尋復致變自爾喪我相尋無復意事遂
忘棄之近已嘗遣使送像欲與卿作疏箱篋中忽得前所條本末
今送示卿徐徐尋撫若干卿有所不足者便可致難也見卿來日
竝可已嘗言笑吾前試通聖人三達觀已咨什公公尋有荅今并
送往諸此事皆是昔日之意如今都無情懷不知如何矣

廣弘明集二十

一又十六國
春秋六十

荅安成侯嵩難述佛義書

卿所難問引喻兼富理極致深實非庸淺所能具荅今當爲卿各
已相酬耳卿引殷若經云若有眾生遇斯光者必得無上道卽經
所言未聞有凡流而得見光明者如釋迦放大光明普照十方當
斯之時經不言有羣品而得見其怪而異之者皆是普明之徒已
斯言之定不爲羣小也卿若已眾生爲疑者百億菩薩豈非眾生
之謂邪然經復云普明之詣釋迦皆與善男子善女人持諸華香

來供養釋迦及致供養之徒自應普蒙其潤也。但光明之作本不爲善男子善女人所已得蒙餘波者。其猶蠅附驥尾得至千里之舉耳。卿又引神變令三惡眾生得生人天。若在鹿爲鹿在馬爲馬而度脫之。豈非神變之謂邪。華手思益法華諸經所言若云放大光明自應與大品無異也。若一一光明已應適前物此作非人天所通。夫光明之與寂寞此直發意有參差其揆一也。卿引經言施者授者財物不可得與不住法不住般若未有異二者直是始終之教也。統而言之俱是破著之語耳。何者罪不罪施者授者及財物都不可得若都不可得復何所著是勸無所著明矣。卿又問明道之無爲爲當同諸法之自空爲妙空無已成極邪。又引論中二諦之間言意所不及道之無爲所寄邪。吾意已謂爲道止無爲未詳所已宗也。何者夫眾生之所已流轉生死者皆著欲故也。若欲止于心卽不復生死既無生死潛神玄漠與空合其體是名涅槃。

耳。既曰涅槃復何容有名于其間哉。夫道已無寄爲宗。若求寄所
在。恐乃惑之大者也。吾所明無爲不可爲有者。意事如隱。尋求或
當小難。今更重伸前義。卿所引論中。卽吾義宗諸法。若不空則無
二諦。若不有亦無二諦。此定明有無不相離。何者。若定言有則無
已拔高士。若定明無則無已濟常流。是已聖人有無兼抱而不捨
者。此之謂也。然諸家通第一義。廓然空寂。無有聖人。吾常已爲殊
大逕庭。不近人情。若無聖人。知無者誰也。廣弘明集二十一又
十六國春秋六十

重荅安成侯嵩

得表具一二。吾常近之才。加已多事。昏塞觸事而牆。不知道理。安
在爲復已卿好樂立法。是已聊復孟浪已言之耳。而來諭過美。益
已不安。廣弘明集二十一又
十六國春秋六十

遺僧朗書

皇帝敬問泰山朗和尚。勤神履道。飛聲映世。休閒遠振。常無已已。

朕京西夏思濟大猷。今關中未平。事惟左右已命元戎克寧。伊洛冀因斯會。東封巡狩。憑靈仗威。須見指授。今遣使者送金浮圖三級經一部。寶臺一區。庶望立鑒。照朕意焉。廣弘明集三十五又十六國春秋四十二

遺釋慧遠書

大智度論新譯訖。此既龍樹所作。又是方等旨歸。宜爲一序。已伸作者之意。然此諸道士咸相推謝。無敢動手。法師可爲作序。已貽後之學者。釋藏卷九又百五

通三世論諸鳩摩羅什

曾問諸法師。明三世或有或無。莫適所定。此亦是大法中一段處所。而有無不判。情每慨之。是已忽疏野懷。聊復孟浪言之。誠知孟浪之言。不足已會理。然胷襟之中。欲有少許意。了不能默已。輒疏條相呈。匠者可爲折衷。余已爲三世一統。循環爲用。過去雖滅。其理常在。所已在者。非如阿毘曇注言五陰塊然喻。若足之履地。真

足雖往厥迹猶存常來如火之在木木中欲言有火邪視之不可見欲言無火邪火緣木而出經又云聖人見三世若其無也聖無所見若言有邪則犯常嫌過去未來雖無限對理恆相因苟因理不絕聖見三世無所疑矣

廣弘明集二十一又十六國春秋六十二

通不住法住般若

眾生之所目不階道者有著故也是目聖人之教恆目去著爲事故言目不住般若雖復大聖元鑒應照無際亦不可著著亦成患欲使行人忘彼我遺所寄汎若不繫之舟無所倚薄則當于理矣

廣弘明集二十一

通聖人教放大光明普照十方

聖人之教立通無涯致感多方不可作一途求不可目一理推故應粗目粗應細目細應理固然矣所目放大光明現諸神變者此應十方諸大菩薩將紹尊位者耳若處俗接粗復容此事邪阿含

經云釋氏之處天竺四十餘載衣服飲食受諸患痛與人不別經又云聖人亦入鹿馬而度脫之當在鹿馬豈異于鹿馬哉若不異鹿馬應世常流不待此神變明矣每事須自同于前物然後得行其化耳

廣弘明集二十一

通三世

眾生歷涉三世其猶循環過去未來雖無眼對其理常在是曰聖人尋往曰知往逆數曰知來

通一切諸法空

大道者已無爲爲宗若其無爲復何所有

廣弘明集二十一

姚泓

泓字元子興長子曰晉義熙十二年僭卽皇帝位改元永和在位二年劉裕擒送建康市斬之

下書復死事士卒

士卒死王事者贈曰爵位永復其家

晉書載紀姚弋仲又十六國春秋五十九

姚弋

弋字景凝仕姚萇為輔國將軍宗正卿司隸校尉尚書令封趙公拜太尉姚興時進太傅

上疏諫去帝號

伏惟陛下勳格皇天功濟四海威靈振于殊域聲教暨于遐方雖成湯之隆殷基武王之崇周業未足比論方當廓靖江吳告成中岳豈宜過垂沖損違皇天之眷命乎

晉書載紀姚興傳上十六國春秋五十六大尉趙公弋等

五十三人
上疏諫

姚嵩

嵩興弟為鎮西將軍秦州刺史封安成侯進司空鎮上邽泓嗣位已討仇池氏楊盛戰死

謝賜皇后所遺珠佛像表

臣言奉珠像承是皇后遺囑所建禮觀之日永慕罔極伏惟感往增懷臣言先承陛下親營像事每注心延望遲冀暫一禮敬不悟聖恩垂及乃復與臣供養此像既功竇竝重且于制作之理擬若神造中來所有珠像誠當奇妙然方之于此信復有闕瞻奉踴躍實在無量夫受乾施者無報蒙恩隆者無謝唯欲仰陳愚誠亦復莫知所盡臣言廣弘明集二十一又十六國春秋六十

上述佛義表

臣言奉陛下所通諸義理味淵玄詞致清勝開詣踰于二篇妙盡侔乎中觀詠之翫之紙已致勞而心猶無厭真可謂當時之高唱累劫之宗範也但臣頑闇思不參玄然披尋之日真復詠歌弗暇不悟弘慈善誘乃欲令參致問難敢忘愚鈍輒位敘所懷豈曰存難直欲咨所未悟耳臣言上通三世甚有深致既已遠契聖心兼復抑正眾說宗塗疊疊超絕常境欣悟之至益令賞味增深加爲

什公研覈該備實非愚臣所能稱盡正當銘之懷抱已爲心要耳
臣言上通不住法住般若義云眾生之所已不階道者有著故也
是已聖人之教恆已去著爲事故言已不住般若雖復大聖立鑒
應照無際亦不可著著亦成患欲使行人忘彼我遺所寄汎若不
繫之舟無所倚薄則當于理矣故聖心立詣誠無不盡然至乎標
位六度而已無著爲宗取之于心誠如明誨卽之于事脫有未極
夫無著雖妙侶若有不卽真兩冥有不卽真兩冥恐是心忘之謂
耳竊尋立教如更有已謹牒成言已據懇見故經云施者授者財
物不可得已無所捨法具足檀波羅蜜已此三事不可得故三者
既冥有無無當無當之理卽同幻化已此而推恐不住之致非真
忘彼我遺所寄而已

詔云放大光明諸神變者此自應十方諸大菩薩將紹尊位者耳
斯理之立固非庸近所參然不己之情猶欲言所未達夫萬有不

齊精麤亦異、應彼雖殊、而聖心恆一、恆一故圓、已應之不同、故權
已濟之、雖鹿馬而未始乖其大、雖現神變而未始遺其細、故淨名
經云、如來或已光明而作佛事、或已寂冥而作佛事、顯默雖異、而
終致不二、然則于小大之間、恐是時互說耳、如藥手經、初佛爲德
藏、放大光明、今諸眾生、皆蒙其潤、又思益經中、罔明所問、如來三
十三種光明、一切遇者、皆得利益、法華經云、佛放眉間相光、亦使
四眾八部咸皆生疑、又云、處闇眾生、各得相見、苟有其緣、雖小必
益、苟無其因、雖大或乖、故般若經云、若有眾生、過斯光者、必得無
上道、又已神變、令三惡眾生皆生天上、已此而言、至于光明神變
之事、但存平等、敢緣慈念、輒竭愚思、若復哀矜、重開導者、豈直微
臣獨受其賜、

詔云、大道者、已無爲爲宗、若其無爲、復何所爲、邪、至理淵談、誠不
容言、然處在涉求之地、不得不尋本、已致悟、不審明道之無爲、爲

當已何爲體。若已妙爲宗者。雖在帝先而非極。若已無有爲妙者。必當有不無之因。因稱俱未冥。詎是不二之道乎。故論云。無于無者。必當有于有。有無之相。譬猶修短之相形耳。無理雖立。將恐同彼斷常。常猶不可。況復斷邪。然則有無之津。乃是邊見之所存。故中論云。不破世諦。故則不破真諦。又論云。諸法若實。則無二諦。諸法若空。則無罪福。若無罪福。凡聖無判。苟無判道。何所益由。臣聞昧未悟宗。極惟願仁慈。重加誨諭。同上

重上表

臣言奉賜還詔。誨喻周備。伏尋之日。欣踊無量。陛下爰發德音。光闡幽極。拓道義之門。演如來之奧。冥宗隱而復彰。玄扉掩而再敞。文外之旨。可謂朗然。幽燭矣。夫理玄者。不可已言稱。事妙者。固非常詞之所讚。雖欲心口仰詠。亦罔知所盡。由臣愚鈍。而猥蒙陛下。賡飾之美。誠復欣戴殊眷。實增愧赧。比仰味微言。研詠彌至。其爲

蒙悟豈唯過半之益但臣仍充外役無由親承音旨望雲遐慨實
在罔極不勝延俛謹已申聞臣嵩言

廣弘明集二十一又十六國春秋六十

尹緯

緯字景亮天水人仕苻堅爲尙書令史堅敗擁立姚萇歷右司
馬輔國將軍司隸校尉尙書左右僕射姚興嗣位封清河侯卒
贈司徒諡曰忠成侯

駁李嵩旣葬素服臨朝議

帝王喪制漢魏爲準嵩矯常越禮愆于軌度請付有司已專擅論
旣葬卽吉乞依前議

晉書載紀姚興傳上又十六國春秋六十

李嵩

嵩仕姚興爲尙書郎

上疏言旣葬應素服臨朝

三王異制五帝殊禮孝治天下先王之高事也宜遵聖性已光道

訓既葬之後應素服臨朝率先天下仁孝之舉也晉書載紀姚興傳又十六國春秋

行事記

嬭當作嬭

不下脫制字

公當作綱

調當作謝

謂當作魏

有娶同堂姊子為婦嬭母亡不嬭母服猶制同堂姊服常謂三公之義不可得而無服多已內外姊妹為婦則絕其本服服絕而情重何嫌不減從妹之服月數作婦母之服也又曰調沈所言舅為外舅事訪謂君思難云舅服總麻與外舅之服自可得同然娶姑之女姑亡豈可累降為三月耶太常劉彥祖云譬如父母服本斬齊至于改葬而制總麻也近羊彭有叔父服而改葬其父更叔之服而著改葬之服此其已總麻為重也蓋禮所謂已輕為重者有同者此亦無準據殆是率心而行也通典九十五

姜炭

炭天水人仕姚興官爵未詳造三紀甲子元麻

渾天論

夫言天體者蓋非一家也世之所傳有渾天有蓋天說渾天者言渾然而圓地在其中蓋天者言天形如車蓋地在其中下二曜推移五星迭覲見伏昏明皆由遠近運移麗天不入于地日之將沒去人彌遠明衰光滅故闇其明及其將出去人彌近光明炎熾故極其照揚雄曰爲渾天得之難蓋天曰今于高山之上設水平已望日則日出水平下若天體常高地體常卑日無出下之理于是蓋天無已對也渾天之說天體包裹地在其中七曜離躔道有常率天體旁倚故日道南高而北下運轉之樞南下而北高二樞爲轂日道爲輪周回運移終則復始北樞謂之北極北極出地上三十六度故天北際七十二度常見而不伏南樞謂之南極南極入地下亦三十六度故天南際七十二度常伏而不見也周髀云日一度二千九百三十二里奇夏至之景南北千里差一寸周天百

七萬一千里徑三千五萬七千里表在其外萬五千里故天日四游于三萬里之中冬南夏北春西秋東皆薄四表而止地亦外降于天之中旁游之數與天游同日道星宿之外亦萬五千里圓周之徑正與四表等冬至之日出辰入申夏至之日出寅入戌進退于六十度之中焉非專四游之差亦有地之升降冬至之後日轉北移非專是日移也亦由天地游而南故物有生而不死夏至之後日轉南移非專日之移也亦由天地游而北故物有伏而不生二分之日出卯入酉正與地土平故半表之徑得天地相去十九萬里然則地處天半而下也故日出地上百八十二度八分度之五謂之晝入地下百八十二度八分度之三謂之夜晝則出地上而西夜則入地下而東周而百刻昏明五十刻分之日刻數既均天度又等與極應規謂之中繩居寒暑景之和處遲疾之中春分之後日行中繩之北故晝長而夜短伏少而見多景短而溫氣甚

秋分之後日行中繩之南故晝短而夜長伏多而見少景長而寒氣多易說冬至之景得一丈三尺夏至之景一尺四寸八分并二至之景得一丈四尺四寸八分春分之景七尺四寸四分秋分之景與春分等并二分之景亦得一丈四尺四寸八分然則東西南北經緯均也大平時和七曜順軌優游兩儀之中不內不外漢之乾象魏之景初皆曰二分之時行黃儀之內故南北闕而東西狹冬至去極百一十五度景長一尺五寸并度得百八十二度八分度之五并景得一丈四尺五寸春分去極八十九度景長五尺二寸五分秋分去極九十度景長五尺五寸并度得百七十九度并景得一丈七尺五寸五分東西少于南北三度爲東西九千里弱東西之景短于南北之景三尺七寸五分爲里三萬七千五百東西之徑定也而度與景里則有殊然則一度之里一寸之差及四游之說殆難明矣鄭玄曰二至之景一寸俱差千里夏至之日八

尺之表景得一尺五寸日下之地南于嵩高一萬五千里冬至之日八尺之表景得一丈三尺日下之地南于嵩高十三萬里夫日高則景小卑景差多日無上下之說而天地有升降安得千里同差一寸也故東西之徑少于南北之徑曰度言之則九千里曰景言之則三萬七千五百里二分之一日南北千里蓋當景差四寸矣鄭氏之言理豈可哉天游薄四面而日道與四表等不升不降當與四表交轉二分之一日道與二極應規而天地居四游之中春分之後天地降而下游而南至于夏至天游至南表而止故視日北而高本注景差小高之故自此已後而北至秋分還與日道應規秋分之後天地升而上游而北至于冬至則天游至北表而止故視日卑而南本注景差多卑之故計其進退南北不繫于三萬里之內春分之後至夏至差度二十四除其鉤弦之數乃常南游六萬餘里此蓋升降之度里則小矣今置渾天于地曰衡望日地升渾上則日去極遠地

降渾下則日去極近遠近之驗不必在于南北亦由升降可知矣然則旁游與升降各十二度與天地游三萬里相近矣日月麗天有虧有盈有交有會月行日出已半周天爲卽月道交錯半入日道之內半出日道之外在外謂之行陽在內謂之行陰當交則會會則有食蔡氏月令章句曰天者純陽精剛轉運無窮其體渾而包地地上者一百八十二度八分之五地下亦如之其上中北偏出地三十六度謂之北極星是也史官曰玉衡長八寸孔徑一寸從下端望之此星常見于孔端無有移動是已知其爲天中也其下中南偏入地亦三十六度謂之南極從上端望之當孔下端是也此兩中者天之輻軸所在轉運所由也天左旋出地上而西入地下而東其繞北極徑七十二度常見不伏圖內赤小規是也繞南極徑七十二度常伏不見圖外赤大規是也據天地之中而察東西則天半見半不見圖中赤規倣雙角者是也爰案此與張衡

所說不殊而云玉衡長八十則倍是古儀矣又云據天地之中所
云規數據蓋圖綴星是也

開元古經二案此篇館本古經缺撰人名且有誤字今據明寫本校定

渾天論答難

渾天之說天體包裹地在其中七曜躋麗道有常率天體旁倚故
日道南高而北下運轉之樞南下而北高二樞爲轂日道爲輪周
迴運移終則復始北樞謂之北極出地上三十六度故天北際七
十二度常見而不伏南樞謂之南極入地下亦三十六度故天南
際七十二度常伏而不見或云火陽也故外照金水陰也故內景
日爲陽精故外照月爲陰之宗應內景而月復能外照何也對曰
月光者日曜之所生是故外景如日照也是故望金澄水得日之
照照物亦有景又曰月無盈虧盈虧由人也日月之形體如圓丸
各徑千里月體向日常有光也月之初生日曜其西人處其東不
見其光故名曰魄魄三日之後漸東而南故明半焉八日正在南

方半之故見弦也。望則人處日月之間故見其圓也。假使月初生時移人在日月之間東向日視則月光圓若望也。夏至之日日入戌月初生時則西北近日有光及出于寅未盡三日日視月則東北近日光不盡也。研之于心驗之于日月體向日有光而言圓矣。難者又云日曜星月明乃生焉。然則月望之日夜半之時日在地下月在地上其間隔地日光何由得照月闇虛安得常在日衝對日。日之曜也不曰幽而不至不曰行而不及。赫烈照于四極之中而光曜煥乎宇宙之內。循天而曜星月猶火之循突而升。乃其光曜無不周矣。惟衝不照名曰闇虛。舉日及天體猶滿面之資鼓矣。日之光炎在地之上因礙地不得直照而散。故薄天而照則遠在地之上散而直照則近。呂斯言之則日光應曜星月有何礙哉。易傳曰日夜食則星亡無日曰曜之故也。難云地上不得直照而散故薄天而照遠。驗先望一日日未入地而月已出相去三十餘萬

黑日光地上散而直照不應及月而使月明光者何也對曰薄天而照則遠是言礙地廣難耳水流溼火就燥類相從也月者星類也日光直照雖不及月今然一燭在上一燭在下滅下燭使煙相當則上燭之炎循煙而下然下燭矣此類相從也難者又曰日夜食則眾星亡驗月體不大于地今日在地下月在地上地體大尚不能掩日使不照月月體小于地安能掩日使不照曜星也對曰上元之初日月如疊璧五星如連珠故曰重光重光者日在上月次之星居下地在宿內故不掩日日光循星月而曜之也月在星宿之外故掩日光不得照星也

開元占經一

余曰爲子陽言天陽下降日下熱東哲言天體存于目則日大頗近之矣渾天之體圓周之徑詳之于天度驗之于晷景而紛然之說由人目也參伐初出在旁則其間疏在上則其間數曰渾驗之度則均也旁之與上理無有殊也夫日者純陽之精也光明外曜

目眩人目故人視日如小及其初出地有遊氣曰厭日光不眩人目即日赤而大也無遊氣則色白大不甚矣地氣不及天故一日之中晨夕日色赤而中時日色白地氣上升蒙蒙四合與天連者雖中時亦赤矣日與火相類火則體赤而炎黃日亦宜矣然日色赤者猶火無炎也光衰失常則為異矣隋書天文志上列子曰孔子東遊見兩小兒辯日出日中遠近闕子陽東皆曰為云云余曰為姜蚘

蚘為撫軍東曹屬

上疏言廣平公弼逆狀

廣平公弼懷奸積年謀禍有歲傾陷羣賢為之畫足釁成逆著取嗤戎裔昔文王之化刑于寡妻今聖朝之亂起自愛子雖欲含忍其瑕掩蔽其罪而逆黨猶繁煽惑不已弼之亂心何由可革宜斥散凶徒已絕禍端晉書載紀姚興傳下又十六國春秋五十八

闕名

李趙曲銅像銘

秦建元二十四年四月八日于長安寺中造十王慧詔感佛泥日
達遇遺像是已賴身之餘造鑄神模若誠感必應使十方同福
珠林二十二案建元二十四年乃姚萇之建初三年也

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百五十三終

全晉文卷一百五十四

烏程嚴可均校輯

前涼

張軌

軌字士彥，安定烏氏人。魏末，隱于宜陽。泰始初，受叔父錫官五品。泰康中，衛將軍楊珧辟爲掾，除太子舍人。累遷散騎常侍，征西軍司。永嘉初，出爲護羌校尉、涼州刺史。永興中，加安西將軍，封安樂鄉侯。永嘉初，封西平郡公，不受。進拜鎮西將軍，都督隴右諸軍事，封霸城侯。進車騎將軍，開府儀同三司。愍帝爲皇太子，拜驃騎大將軍，及卽位，進司空、侍中、太尉、涼州牧、西平公，皆固辭。卒，諡曰武公。有易義若干卷。

下令將歸老宜陽

吾在州八年，不能靖綏區域。又值中州兵亂，秦隴倒懸，加已寢患。

委篤實思敏迹避賢但負荷重任未便輒遂不圖諸人橫與此變是不明吾心也吾視去貴州如脫屣耳欲遣主簿尉髦奉表詣關便速投脂轄將歸老宜陽晉書張軌傳又十六國春秋七十

遺令

吾無德于人今疾病彌留殆將命也文武將佐咸當弘盡忠規務安百姓上思報國下曰寔家素棺薄葬無藏金玉善相安遜已聽

朝旨

晉書張軌傳又十六國春秋七十

馳檄關中

主上構危遷幸非所普天分崩率土喪氣秦王天挺聖德神武應期世祖之孫王今爲長凡我晉人食土之類龜筮克從幽明同款宜簡令辰奉登皇位今遣前鋒督護宋配帥步騎二萬徑至長安翼衛乘輿折衝左右西中郎將寶率中軍三萬武威太守張璠帥胡騎二萬駱驛繼發仲秋中旬會于臨晉晉書張軌傳又十六國春秋七十

遺韓稚書

今王綱紛撓、牧守宜戮力勤王、適得雍州檄云、卿稱兵內侮、吾董任一方、義在伐叛、武旅三萬、駱驛繼發、伐木之感、心豈可言、古之行師、全國爲上、卿若單馬軍門者、當與卿共平世難也、晉書張軌傳又十六國春秋

張寔

寔字安遜、軌子、呂秀才爲郎中、永嘉初、授驍騎將軍、固辭、改授議郎、封建武亭侯、遷西中郎將、進爵祿福縣侯、建興初、領護羌校尉、尋嗣軌位、爲持節都督涼州諸軍事、西中郎將、涼州刺史、西平公、大興三年、爲其下閭沙趙仰等所殺、私諡曰昭、元帝賜諡曰元

求直言令

忝紹前蹤、庶幾刑政不爲百姓之患、而比年饑旱、殆由庶事有缺

竊慕箴誦之言曰補不逮自今有面刺孤罪者酬以束帛翰墨陳孤過者荅曰筐篚訪言于市者報以羊米

晉書張寔傳又十六國春秋七十一

遺南陽王保書

王室有事不忘投軀孤州遠域首尾多難是以前遣賈騫瞻望公舉中被符命敕騫還軍忽聞北地陷沒寇逼長安胡崧不進翹允持金五百請救于崧是已決遣騫等進軍度嶺會聞朝廷傾覆爲忠不達于主遣兵不及于難痛慨之深死有餘責今更遣韓璞等唯公命是從

晉書張寔傳又十六國春秋七十一

張茂

茂字成遜是弟建興中拜平西將軍秦州刺史大興三年代寔爲涼州牧大寧二年卒私諡曰成

遺令

吾官非王命位由私議苟已集事豈敢榮之氣絕之日當曰白怡

入棺勿已朝服殮曰彰吾志十六國春秋七十一案晉書張茂傳作臨終執轡手泣曰云云其文較多

張駿

駿字公庭寔子建興末封霸城侯太監二年嗣茂位劉曜拜爲涼州牧涼王猶奉愍帝年號稱建興十二年後又稱藩于李雄石勒至咸和八年猶稱建興二十一年至永和二年卒在位二十三年私諡曰文公穆帝追諡曰忠成公有集八卷

上疏請討石虎李期

東西隔塞踰歷年載夙承聖德心繫本朝而江吳寂蔑餘波莫及雖肆力修塗同盟靡恤奉詔之日悲喜交并天恩光被褒崇輝渥卽臣爲大將軍都督陝西秦雍涼州諸軍事休寵振赫萬里懷戴嘉命顯至銜感屏營伏惟陛下天挺岐嶷堂構晉室遭家不造播幸炎楚宗廟有黍離之哀園陵有殄廢之痛普天咨嗟含氣悲

傷臣專命一方職在斧鉞遐域僻陋勢極秦隴勒雄既死人懷反正謂石虎李期之命曾不崇朝而皆篡繼凶逆矚目有年東西遼曠聲援不接遂使桃蟲鼓翼四夷誼譁向義之徒更思背誕鉞刀有干將之志螢燭希日月之光是臣前章懇切欲齊力時討而陛下雍容江表坐觀禍敗懷目前之安替四祖之業馳檄布告徒轂空文臣所已宵吟荒漠痛心長路者也且兆庶離主漸冉經世先老消落後生靡識忠良受梟懸之罰羣凶貪縱橫之利懷君戀故日月告流雖時有尙義之士畏逼首領哀歎窮蹙臣聞少康中興由于一旅光武嗣漢眾不滿百祀夏配天不失舊物況曰荆陽慄悍臣州突騎吞噬遺羯在于掌握哉願陛下敷弘臣慮永念先績敕司空鑒征西亮等汎舟江河使首尾俱至也

晉書張駿傳又十六國春秋七

昔鯀殛而禹興，芮誅而缺進。唐帝所曰殄洪災，晉侯所曰成五霸。
法律犯死罪，葢親不得在朝。今盡聽之，唯不宜內參宿衛耳。
晉書張峻

傳又十六國春秋七十二

山海經圖讚

飛魚

飛魚如鮒，登雲遊波。
御覽九百三十九

穀

敦山有獸，其名爲穀。
麟一作形一角，御學記二十九馬第四

張重華

重華，字泰臨，駿第二子。永和二年，自稱持節大都督、太尉、護羌校尉、涼州牧、西平公、假涼王，仍奉愍帝年號。在位八年卒。私諡曰昭，後改諡曰桓。穆帝賜諡曰敬烈。

上疏請伐秦

季龍自薨遺燼遊魂取亂侮亡觀機則發臣今遣前鋒都督裴恆
帥步騎七萬遙出隴上曰俟聖朝赫然之威山東騷擾不足厝懷
長安膏腴宜速平蕩臣守任西荒山川悠遠大誓六軍不及聽受
之末猛將鷹揚不豫告成之次瞻雲望日孤憤義傷彈劍慷慨中
情蘊結晉書張重華傳又十
六國春秋七十三

張祚

祚字太伯駿之庶長子小字螽斯封長寧侯永和九年殺嗣主
繼靈自稱大都督大將軍涼州牧涼公明年僭即皇帝位改建
興四十二年為和平元年又明年為張琚等所殺

下書攝帝位

昔金行失馭戎狄亂華胡羯氏羌咸懷竊璽我武公曰神武撥亂
保寧西夏貢款勤王旬朔不絕四祖承光忠誠彌著往受晉禪天
下所知諒沖遜讓四十年于茲矣今中原喪亂華裔無主羣后僉

目九州之望無所依歸神祇岳瀆罔所憑係通孤攝行大統目一四海之心辭不獲已勉從眾議待埽穢二京蕩清周魏然後迎帝舊都謝罪天闕思與兆庶同茲更始

晉書張昨傳又十六國春秋七十三

張天錫

天錫字公純瑕改字純嘏小名獨活駿少子興寧元年殺嗣主玄靚自立爲涼州牧太和初詔拜大將軍大都督隴右關中諸軍事護羌校尉涼州刺史西平公在位十三年爲苻堅將姚萇所敗入秦爲侍中比部尙書封歸義侯淮肥之役歸國詔拜散騎常侍左員外復爵西平郡公進金紫光祿大夫隆安中拜廬江太守

荅索商

吾非好行行有得也觀朝榮則敬才秀之士翫芝蘭則愛德行之臣觀松竹則思貞操之賢臨清流則貴廉潔之行覽蔓草則賤貪

穢之吏逢颶風則惡凶狡之徒若引而申之觸類而長之庶無遺

漏矣

晉書張天錫傳又十六國春秋七十四

遺郭瑀書

先生潛光九皋懷真獨遠心與至境冥符志與四時消息豈知蒼生倒懸四海待拯者乎孤忝承時運負荷大業思與賢明同贊帝道昔傳說龍翔殷朝尙父應揚周室孔聖車不停軌墨子駕不俟旦皆目黔首之禍不可已不救君不獨立道由人弘故也況今九服分爲狄場二都盡爲戎穴天子僻陋江東名教淪于左衽創毒之甚聞闢未聞先生懷濟世之才坐觀而不救其于仁智孤竊惑焉故遣使者虛左授綬鶴企先生乃眷下國

晉書隱逸郭瑀傳又十六國春秋七十四

張璠

璠永嘉中武威太守

表畱張軌

魏尙安邊而獲戾充國盡忠而被譴皆前史之所譏今日之明鑒也順陽之爲劉陶守閩者千人刺史之莅臣州若慈母之于赤子百姓之愛臣軌若旱苗之得膏雨伏聞信惑流言當有遷代民情嗷嗷如失父母今戎夷猾夏不宜騷動一方

晉書張軌傳又十六國春秋七十

宋纖

纖字令艾敦煌效穀人隱居酒泉南山張祚徵爲太子友尋遷太傅不食而卒年八十二諡曰立虛先生

上疏辭張祚

臣受生方外心慕太古生不喜存死不悲沒素有遺屬屬諸知識在山投山臨水投水處澤露形在人親土聲聞書疏勿告我家今當命終乞如素願

晉書隱逸宋纖傳又十六國春秋七十四

楊宣

宣仕張祚爲敦煌太守

宋織畫像頌

爲枕何石爲漱何流身不可見名不可求

晉書隱逸宋織傳又十六國春秋七十五

馬炭

炭仕張茂爲參軍駿嗣位曰爲酒泉太守重華末爲左長史祚

僭號爲尙書

上言宜立西王母祠

酒泉南山卽崑崙之體也周穆王見西王母樂而忘歸卽謂此山

此山有石室玉堂珠璣鏤飾煥若神宮宜立西王母祠曰裨朝廷

無疆之福

晉書張駿傳

宋織石壁銘

丹崖百丈青壁萬尋奇木蔚鬱蔚若鄧林其人如玉維國之琛室

邇人遐實勞我心

晉書隱逸宋織傳又十六國春秋七十五

謝艾

艾敦煌人仕張重華為主簿授中堅將軍呂功封福祿伯出爲
酒泉太守尋授使持節軍師將軍呂功遷太府左長史進封福
祿縣侯又爲使持節都督征討諸軍事行衛將軍後爲張祚所
殺有集七卷宋書蒙遜傳作八卷

獻晉帝表

登三緯地乘六御天靖埽妖氛廣清異類十六國春秋七十五

上疏言趙長張祚事

權倖用事公室將危乞聽臣入侍

長寧侯祚及趙長等將爲亂宜盡逐長等十六國春秋七十五

密令與楊初

今遣舍人孔章特口諭要密將軍可差腹心人詣致珊瑚鞭勒香

璫一具遣王擢王擢狐疑于將軍父子事得施矣御覽三百五十九又十六國春秋七十五

秋七十五

索遐

遐仕張重華爲別駕從事拜軍正將軍遷司直

諫張重華

殿下承四聖之基當升平之會荷當今之任憂率土之塗炭宜躬親萬機開延英又夙夜乾乾勉于庶政自頃內外蹢然皆云去賊投誠者應卽撫慰而彌日不接國老朝賢當虛已引納詢訪政事比多經句積愬不畱意接之文奏入內歷月不省廢替見務注情于綦弈之間繾綣左右小臣之娛不存將相遠大之謀至使親臣不言朝吏杜口愚臣所已迴惶忘寢與食也今王室如燬百姓倒懸正是殿下銜膽茹辛厲心之日深願垂心朝政延納直言周爰五美已成六德捐彼近習弭塞外聲修政聽朝使下觀而化

晉書張重華傳重華自己連破勅敵頗怠政事希接賓客司直索遐諫云云重華覽之大悅案云覽之必是簡牘非口諫也又見十六國春秋七

十三

議迎秋

禮天子崩諸族薨未殯五祀不行既殯而行之魯宣三年天王崩不廢郊祀今聖上統承大位百揆惟新宜在璿璣玉衡呂齊七政立秋萬物將成殺氣之始其于王事杖麾誓眾毀鼓禮神所已討逆除暴成功濟務監宗廟社稷致天下之福不可廢也晉書張重華傳又十六國春秋七十三是月有司議遣司兵趙長幼秋西郊謝艾呂春秋之義國有大喪廢薨待之禮宜待踰年別駕從事索遐議云云

紀錫

錫仕張天錫為少府長史

上疏諍時政

臣聞東野善驟而敗其駕秦氏富強而覆其國馬力已盡求之勿休人既勞竭役之無已故也造父之御不盡其馬明王之治必恤其民十六國春秋七十四

後涼

呂光

光字世明，略陽氏人。苻堅時，舉賢良，除美陽令。遷鷹揚將軍，從平燕，封都亭侯。入爲太子右率，拜破虜將軍，遷步兵校尉，拜驃騎將軍，授都督西討諸軍事。呂平西域功，拜使持節、散騎常侍、都督玉門已西諸軍事、安西將軍、西域校尉，還入姑臧。聞堅爲姚萇所害，自稱使持節侍中、中外大都督、督隴右河、西諸軍事、大將軍，領護匈奴中郎將、涼州牧、酒泉公。建元太安，呂太元十四年，僭卽三河王位。改元麟嘉。呂太元二十一年，僭卽天王位。改元龍飛。在位十年。隆安三年死，年六十三。諡曰懿武皇帝。廟號太祖。

平西域還上疏

惟龜茲據三十六國之中，制彼侯王之命，入其國城，天驥龍麟，腰褭丹髦，萬計盈廐。雖伯樂更生，衛賜復出，不能辨也。御覽八百九十五引十六

國春秋今十六國春秋未多一句云所獲珍寶曰
萬萬計據晉書載紀則此語在敘事中非論文也

下書討乞伏乾歸

乾歸狼子野心前後反覆朕方東清秦趙勒銘會稽豈令堅子鴟
峙洮南且其兄弟內相離間可乘之機無過今也其敕中外戒嚴

朕當親討

晉書載紀呂光傳又十六國春秋八十一

遣楊軌書

自羌胡不靖郭曆叛逆南藩安否音問兩絕行人風傳云卿擁逼
百姓爲磨脅齒卿雅志忠貞有吏魚之操鑒察成敗遠侔古人豈
宜聽納姦邪已虧大美陵霜不彫者松柏也臨難不移者君子也
何圖松柏彫于微霜而雞鳴已于風雨郭曆巫卜小數時或誤中
攷之大理率多虛謬朕宰化寡方澤不逮遠致世事紛紜百城離
叛戮力一心同濟巨海者望之于卿也今中倉積粟數百千萬東
人戰士一當百餘入則言笑晏晏出則武步涼州吞磨咀業綽有

餘暇但與卿形雖君臣心過父子朕欲全卿名節不使貽笑將來

晉書載紀呂光傳又十六國春秋八十一

南涼

禿髮利鹿孤

利鹿孤河西鮮卑人烏孤弟曰晉隆安三年襲兄位僭稱大都督大將軍大單于西平王逾年改元建和其明年僭稱河西王

曰晉元興元年死諡曰康王

下令封爵

孤曰寡昧謬膺統緒思所弘濟艱難經略區宇者必藉股肱之力自今二千石令長清高有惠化者其皆封亭侯關內侯延耆老

曰訪政事

十六國春秋八十八

求極言

吾無經濟之才忝承業統自負乘在位三載于茲雖夙夜惟寘思

弘道化而刑政未能允中風俗尚多凋弊戎車屢駕無闢境之功
務進賢彥而下猶蓄滯豈所任非才將吾不明所致也二三君子
其極言無諱吾將覽焉

晉書載紀昶髮利鹿孤傳又十六國春秋八十八

遺令

昔我諸兄弟傳位非子者蓋曰泰伯三讓周道曰興故也我武王
踐阼實厥垂諸樊之試終能克昌家業者其在車騎乎吾寢疾惓
頓是將不濟內外多虞國機務廣其令車騎嗣業經緯百揆曰成
先王之志

十六國春秋八十八案晉書載紀昶髮利鹿孤傳但有內外多虞已下四句無經緯百揆句

史嵩

嵩仕利鹿孤爲祠部郎中

極言

古之王者行師曰全軍爲上破國次之拯溺救焚東征西怨今不
已綏靈爲先惟曰徙戶爲務安土重遷故有離叛所曰斬將克城

土不加廣今取士拔才必先弓馬文章學藝爲無用之條非所目
來遠人垂不朽也孔子曰不學禮無已立宜建學校開庠序選者
德碩儒已訓胄子晉書載紀禿髮利鹿孤傳案上文云其極言
無諱吾將覽焉明此非口對又見十六國春秋

宗敝

敝姑臧人仕秦姚興爲涼州別駕後歸禿髮儁爲太府主簿

錄記室事

理王尙疏

臣州荒裔鄰帶寇讐居秦無垂拱之安運否離傾覆之難自張氏
頽基德風絕而莫扇呂數將終梟鶚已之翻翔羣生要罔極之痛
西夏有焚如之禍幸皇鑒降春純風遠被刺史王尙受任垂滅之
州策成難全之際輕身率下躬儉節用勞逸豐約與眾同之勸課
農桑時無廢業然後振王威已埽不庭迴天波已蕩氛穢則羣逆

冰摧不俟朱陽之曜。若秋風墮箠。豈待勁風之威。何定遠之足高。營平之獨美。經始甫爾。會朝算數。授使希世之功。不終于必成。易失之機。踐之而莫展。當其時而明其事者。誰不慨然。既遠役遐方。劬勞于外。雖未效酬恩。而在公無闕。自至京師。二旬于今。出車之命。莫逮。蕤斐之責。惟深。已取呂氏宮人。裴氏及殺逃人。薄禾等。爲南臺所禁。天鑒玄鏡。愆免罔固。譏繩之文。未離簡墨。裴氏年垂知命。首髮二毛。獲居本家。不在尙室。年邁姿陋。何用送爲。邊藩要捍。眾力是寄。禾等私逃。罪應憲墨。已殺止殺。安邊之義也。假若已不送裴氏爲罪者。正闕奚官之一女子耳。論勳則功重。言取則過微。而執憲者吹毛求疵。忘勞記過。斯先哲所已泣血于當年。微臣所已仰天而洒淚。且尙之奉國。歷事二朝。能否效于既往。優劣飭在聖心。就有微過。功足相補。宜弘罔極之施。已彰覆載之恩。臣等生自西州。無翰飛之翼。久沈僞政。絕進趣之途。及皇化旣沾。投竿之

心冥發遂策名委質位忝吏端主辱臣憂故重繭披款惟陛下亮
之晉書載紀姚興傳上涼州別駕宗儆治中張穆主簿邊
憲胡威等上疏理王尙云云又見十六國春秋五十七

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷一百五十五

烏程嚴可均校輯

西涼

李暠

暠字玄盛小字長生隴西成紀人居狄道段業召爲效穀令尋爲寧朔將軍敦煌太守進號冠軍拜安西將軍領護西胡校尉進持節都督涼興已西諸軍事鎮西將軍領護西夷校尉已晉隆安四年自稱大都督大將軍涼公領秦涼二州牧護羌校尉建元庚子遷都酒泉義熙八年死諡曰武昭王廟號太祖

述志賦

高已緯世之量當呂氏之末爲羣雄所奉遂啟霸圖兵無血刃坐定千里謂張氏之業指期而成河西十郡歲月而一旣而禿髮僞檀入據姑臧且渠蒙遜基宇稍廣于是慨然著述志賦焉其辭曰

涉至虛已誕駕乘有輿于本無稟立元而陶衍承景靈之冥符蔭
朝雲之菴靄仰朗日之照煦既敷既載已育已成幼希顏子曲肱
之榮游心上典翫禮敦經蔑立冕于朱門羨漆園之傲生尙漁父
于滄浪善沮溺之耦耕穢鴛鴦之籠嚇欽飛鳳于太清杜世競于
方寸絕時譽之嘉聲超霄吟于崇嶺奇秀木之陵霄挺修幹之青
蔥經歲寒而彌芳情遙遙已遠寄想四老之暉光將戢繁榮于常
衢控雲轡而高驪攀瓊枝于玄圃漱華泉之淥漿和吟鳳之逸響
應鳴鸞于南岡時弗獲影心往形留眷駕陽休宛首一丘衝風沐
雨載沈載浮利害繽紛已交錯歡感循環而相求乾扉奄寂已重
閉天池絕津而無舟悼貞信之道薄謝慙德于園流遂乃去玄覽
應世賓肇弱巾于東宮竝羽儀于英倫踐宣德之祕庭翼明后于
紫宸赫赫謙光崇明奕奕岌岌王居誥誥百辟君希虞夏臣庶夔
益張王頽嚴梁后墜壑清風杪莽已永喪縉紳淪胥而覆溺呂發

巖于閭闔、風摧摧、已傾顛、疾風飄于高木、迴湯沸于重泉、飛塵翕
已蔽日、大火炎其燎原、名都幽然影絕、千邑聞而無烟、斯乃百六
之恆數、起滅相因、而迭然、于是人希逐鹿之圖、家有雄霸之想、聞
王命而不尋、邀非分于無象、故覆車接路、而繼軌膏生、靈于土壤、
哀餘類之忪懔、逸靡依而靡仰、求欲專而失逾遠、寄立珠于罔象、
悠悠涼道、鞠焉荒凶、杪杪余躬、迢迢西邦、非相期之所會、諒冥契
而來同、跨弱水、已建基、躡崑嶷、已爲壚、總奔駟之駭轡、接摧轅于
峻峰、崇崖嵯峨、重嶮萬尋、立邃窈窕、磐紆嶽岑、榛棘交橫、河廣水
深、狐狸夾路、鴟鵂羣吟、挺非我已爲用、任至當如影響、執同心已
御物、懷自彼于握掌、匪矯情而任荒、乃冥合而一往、華德是用來
庭、野逸所已就、軼休矣、時英茂哉、雋哲庶、單綱已遠、籠豈徒射鉤
與斬袂、或脫枯而纓、或後至而先列、採殊才于巖陸、拔翹彥于
無際、思畱侯之神遇、振高浪、已蕩穢、想孔明于草廬、運立籌之罔

滯洪操檣而慷慨起三軍呂激銳詠羣豪之高軌嘉關張之飄傑
誓報曹而歸劉何義勇之超出據斷橋而橫矛亦雄姿之壯發輝
輝南珍英英周魯挺奇荆吳昭文烈武建策烏林龍驤江浦摧堂
堂之勁陣鬱風翔而雲舉紹樊韓之遠蹤倅徽猷于召武非劉孫
之鴻度孰能臻茲大祐信乾坤之相成庶物希風而潤雨嶠益旣
蕩三江已清穆穆盛勲濟濟隆平御羣龍而奮策彌萬載已飛榮
仰遺塵于絕代企高山而景行將建朱旗已啟路驅長轂而迅征
靡商風呂抗旆拂招搖之華旌資神兆于皇極協五緯之所靈起
于干城翼翼上彌恣馘奔鯨截彼醜類且灑遊塵于當陽拯涼德
于已墜開昌寓之驂乘暨襄城而案轡知去害之在茲體牧童之
所述審機動之至微思遺餐而忘寐表略韻于統素託精誠于白

日

晉書涼武昭王傳又十六國春秋九十一

槐樹賦

見晉書涼武昭王傳亡

大酒容賦

白稱涼公領秦涼二州牧奉表詣闕

昔漢運將終三國鼎峙鈞天之厯數鍾皇晉高祖開鴻基景文弘
帝業嗣武受終要荒率服六合同風宇宙齊貫而惠皇失御權臣
亂紀懷愍連遭蒙塵于外懸象上分九服下裂脊言顧之普天同
憾伏惟中宗元皇帝基天紹命遷幸江表荆陽蒙弘覆之矜五都
爲荒榛之藪故太尉西平武公軌當元康之初屬擾攘之際受命
典方出撫此州威略所振聲蓋海內明盛繼統不隕前志長旌所
指仍闢三秦義立兵強拓境萬里文桓嗣位奕葉載德囊括關西
化被崑崙遐邇款藩世修職貢晉德之遠揚繁此州是賴大都督
大將軍天錫呂英挺之姿承七世之業志匡時難克隆先勲而中
年降災兵寇侵境皇威遐邇同獎弗及呂一方之師抗七州之眾
兵孤力屈社稷已喪臣間厯數相推歸餘于終帝王之興必有閏

位是日共工亂象于黃農之閒秦項篡竊于周漢之際皆機不旋踵覆餗成囚自戎狄陵華已涉百齡五胡僭襲期運將杪四海隔斷懸心象魏故師次東關趙魏莫不企踵淮南大捷三方欣然引領伏惟陛下道協少康德侔光武繼天統位志清函夏至如此州世篤忠義臣之羣僚日臣高祖東莞太守雍曾祖北地太守柔荷寵前朝參忝時務伯祖龍驤將軍廣晉太守長監侯卓亡祖武衛將軍天水太守安世亭侯弇毗佐涼州著功秦隴殊寵之隆勒于天府安臣無庸輒依竇融故事迫臣日義上臣大都督大將軍涼公領秦涼二州牧護羌校尉臣日爲荆楚替貢齊桓興召陵之師諸侯不恭晉文起城濮之役用能勳光踐土業隆一匡九域賴其弘猷春秋恕其專命功冠當時美垂千祀況今帝居未復諸夏昏墊大禹所經奄爲戎墟五岳神山狄汚其三九州名都夷穢其七辛有所言于茲而驗微臣所日叩心絕氣忘寢與食彫肝焦慮不

遑寧息者也江涼雖遠義誠密邇風雲苟通實如臂指臣雖名未
結于天臺量未著于海內然憑賴累祖寵光餘烈義不細辭已稽
大務輒順羣議亡身卽事輒弱任重懼忝威命昔在春秋諸侯宗
周國皆稱元呂布時令今天臺邈遠正朔未加發號施令無已紀
數輒年冠建初呂崇國憲冀杖寵靈全制一方使義誠著于所天
立風扇于九壤殉命灰身隕越慷慨晉書涼武昭王傳又十六國
建初遣舍人黃始梁興
開行奉表詣闕云云

復奉表

江山悠隔朝宗無階延首雲極翹企遐方伏惟陛下應期踐位景
福自天臣去乙巳歲順從羣議假統方城時遣舍人黃始奉表通
誠遙途嶮曠未知達不吳涼懸邈蜂虿衝衢方珍貢使無由展御
謹副寫前章或希簡達臣已其歲進師酒泉戒戎廣平庶攘茨穢
而黜虜忝雖未率威教憑守巢穴阻臣前路竊已諸事草創倉帑

未盈故息兵案甲務農養士時移節邁荏苒三年撫劍歎憤曰
成歲今資儲已足器械已充西招城郭之兵北引丁零之眾冀憑
國威席捲河隴揚旌秦川承望詔旨盡節竭誠隕越爲效又臣州
界迴遠勦寇未除當須鎮副爲行畱部分輒假臣世子歆監前鋒
諸軍事撫軍將軍護羌校尉督攝前軍爲臣先驅又燉煌郡大眾
般制御西域管轄萬里爲軍國之本輒曰次子讓爲靈朔將軍西
夷校尉敦煌太守統攝崑裔輯寧殊方自餘諸子皆在戎閒率先
士伍臣總攝大綱畢在輪力臨機制命動靜續聞晉書涼武昭王
遣沙門法泉開行奉表云云
又見十六國春秋九十一
手令誠諸子

吾自立身不營世利經涉累朝通否任時初不役智有所要求今
日之舉非本願也然事會相驅遂荷州土憂責不輕門戶事重雖
詳人事未知天心登車理繼百慮填膺後事付汝等粗舉旦夕近

事數條。遇意便言。不能次比。至于杜漸防萌。深識情變。此當任汝所見深淺。非吾敕誡所益也。汝等雖年未至大。若能克己纂修。比之古人。亦可曰當事業矣。苟其不然。雖至白首。亦復何成。汝等其戒之。慎之。節酒慎言。喜怒必思。愛而知惡。憎而知善。動念寬恕。審而後與。眾之所惡。勿輕承信。詳審人核真偽。遠佞諛。近忠正。蠲刑獄。忍煩擾。存高年。恤喪病。勤省案。聽訟訴。刑法所應。和顏任理。慎勿冒情。輕加聲色。賞勿漏疏。罰勿容親。耳目人閒。知外患苦。禁禦左右。勿作威福。勿伐善施勞。逆詐億。必曰示己明。廣加諮詢。無自專用。從善如順流。去惡如探湯。富貴而不驕者。至難也。念此貫心。勿忘須臾。寮佐品。病盡禮承敬。燕饗饌食。事事畱懷。古今成敗。不可不知。退朝之暇。念觀典籍。面牆而立。不成人也。此郡世篤忠厚。人物敦雅。天下全盛時。海內猶稱之。況復今日。實是名邦。正爲五百年鄉黨婚親相連。至于公理。時有小小頗迴。爲當隨宜斟酌。吾

臨蒞五年兵難騷動未得休眾息役惠康士庶至于掩瑕藏疾滌除疵垢朝爲寇讐夕委心膂雖未足希準古人粗亦無負于新舊事任公平坦然無類初不容懷有所損益計近便爲少經遠如有餘庶亦無媿于前志也

晉書涼武昭王傳又十六國春秋九十一

寫諸葛亮訓誡應璩奉諫曰勸諸子

吾負荷艱難寧濟之勳未建雖外總良能憑股肱之力而戎務孔殷坐而待旦呂維城之固宜兼親賢故使汝等未及師保之訓皆弱年受任常懼弗克呂貽咎悔古今之事不可不知苟近而可師何必遠也覽諸葛亮訓勵應璩奏諫尋其始終周孔之教盡在中矣爲國足已致安立身足已成名質略易通寓目則了雖言發往人道師于此且經史道德如採菽中原勤之者則功多汝等可不勉哉

晉書涼武昭王傳又十六國春秋九十一

顧命長史宋繇

吾少離荼毒、自艱備嘗、于喪亂之際、遂爲此方所推、才弱智淺、不能一同河右、今氣力憊然、當不復起矣、死者大理、吾不悲之、所恨志不申耳、居元首之位者、宜深戒危殆之機、吾終之後、世子猶卿子也、善相輔導、述吾平生、勿令居人之上、專驕自任、軍國之宜、委之于卿、無使籌略乖衷、失成敗之要、晉書涼武昭王傳又十六國春秋九十一

上巳曲水讌詩序

聖帝明王序頌

忠臣孝子序頌

烈士貞女序頌

並見晉書涼武昭王傳亡

賢明魯顏回頌

問一洞十達于神機用舍行藏配德聖師

初學記十七

麒麟頌

一角圓蹄行中規矩游必擇地翔而後處不入陷穽不罹網罟德

無不王爲之折股

初學記二十九又御覽八百八十九作無德而至謂之折股

辛夫人誄

見晉書涼武昭王傳亡

張顗

顗晉書作顯仕李歆爲從事中郎

諫用刑過嚴好治宮室疏

涼土三分勢不久立并兼之本實在農戰懷遠之略事歸寬簡今入歲已來陰陽失序屢有賊風暴雨犯傷和氣是宜減膳徹懸側身修道而更繁刑峻法宮室是務人力凋殘百姓愁悴致災之咎實此之由昔文王曰百里而興二世曰天下而亡前車之軌得失昭然太祖曰天挺神姿應桓文之運流標萬里爲西夏所推左取酒泉有易俯拾右開西域兵不血刃實爲殿下開創崇規貽厥孫謀者也殿下不能奉承先志混一涼土倖蹤張后將何呂下見先王乎沮渠蒙遜胡夷之傑內修政事外理英賢攻戰之際身同作

均士卒百姓懷之咸樂爲用臣謂殿下非但不能平珍蒙遜亦懼
蒙遜方爲社稷之憂神覽三百二十二引蕭方等三十國春秋又晉書錄後主傳又十六國春秋九十二

范稱

稱仕李歆爲主簿

上疏言天變

臣聞天之子愛人后殷勤至矣故政之不修則垂災譴召誠告之
改者雖危必昌宋景是也其不改者雖安必亡虢公是也殿下嗣
位以來元年三月癸卯敦煌謙德堂陷八月效穀地裂二年元日
昏霧四塞四月日赤無光二旬乃復十一月狐上南門今茲春夏
地頻五震六月隕星于建康臣雖學不稽古敏謝仲舒頗亦聞道
于先師且行年五十有九請爲殿下略言耳目之所聞見不復能
遠論書傳之事也乃者咸安之初西平地裂狐入謙光殿前俄而
秦師奄至都城不守梁熙既爲涼州藉秦氏兵亂規有全涼之地

外不撫百姓、內多聚斂、建元十九年、姑臧南門崩、隕石于閑豫堂、二十年而呂光東反、子敗于前、身戮于後、段業因羣胡創亂、遂稱制此方、三年之中、地震五十餘所、旣而先王龍興于瓜州、蒙遜篡弑于張掖、此皆目前之成事、亦殿下之所聞知、茲穀先王鴻漸之始、謙德卽尊之室、基陷地裂、大凶之徵也、日者大陽之精、中國之象、赤而無光、中國將爲胡夷之所陵滅、諺曰、野獸入家、主人將去、今狐上南門、亦災之大也、又狐者胡也、天意若曰、將有胡人入居于此城、南面而君者也、昔春秋之世、星隕于宋、襄公卒爲楚所擒、地者至陰、胡夷之象、當靜而動、反亂天常、天意若曰、胡夷將震動中國、中國若不修德、將有宋襄之禍、臣蒙先朝布衣之眷、輒自同子弟之親、是已不避忤上之誅、昧死而進愚款、願殿下親仁善鄰、養威觀象、罷宮室之務、止遊畋之娛、後宮嬪妃、諸夷子女、躬受分田、身勸蠶績、曰清儉素德爲榮、息茲奢靡之費、百姓租稅、專擬軍

國虛衿下士廣招英備修泰氏之術已強國富後待國有數年之積庭盈文武之上然後命韓白爲前驅納子房之妙算一鼓而姑臧可平長驅可已飲馬涇渭方東面而爭天下豈蒙遜之足憂不然臣恐社稷之危必不出紀晉書涼後主傳人十六國春秋九十二

北涼

張披

披仕沮渠蒙遜爲永安令

案北涼主沮渠蒙遜茂虔等編入宋文其世下宗欽等編入元魏文唯張

披不知所終故編入晉文

上書慶連理木生

異枝同幹遐方有齊化之應殊本同心上下有莫二之固蓋至道

之嘉祥大同之美徵

晉書載紀沮渠蒙遜傳又見十六國春秋九十四

闕名

上書請修朝制

設官分職所已經國濟時恪勤官次所已緝熙庶政當官者已匪躬爲務受任者已忘身爲效自皇綱初震戎馬生郊公私草創未遑舊式而朝士多違憲制不遵典章或公文御案在家臥署或事無可否望空而過至令黜陟絕于皇朝較議寢于聖世清濁共流能否相維人無勸兢之心苟爲度日之事豈能憂公忘私奉上之道也今皇化日隆遐邇寧泰宜振肅綱維中修舊則晉書載紀祖羣下上書云云又十六國春秋九十四

石冊

河西三十年破帶石樂七年北堂書鈔一百六十引崔鴻北涼傳所得石冊案今屠喬孫本繫此事于茂虔之永和永和三年大風震電于四年六帖及此已永和爲蒙遜年號與晉宋書異

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百五十五終